

小 學 算 術 教 科 書
 第 二 冊
 第 四 冊
 第 三 部
 第 五 號



後伏見天皇

日本史後伏見天皇諱胤仁伏見第一子也母准三宮藤原經子
 正應元年三月戊子生爲永福門院所子養八月爲親王三年四
 月立爲皇太子永仁二年六月始讀孝經六年秋七月丁未受禪
 於二條富小路殿以關白兼忠攝政左大臣藤原兼基右大臣藤
 原師教內大臣兼右近衛大將藤原公衡權大納言兼左近衛大
 將藤原冬平並如故八月丁巳尊伏見曰太上天皇甲子立皇從
 祖兄邦治親王爲皇太子辛未遷二條高倉殿乙亥上上皇中宮
 號永福門院冬十月丁卯卽位於太政官廳時年十一十二月癸
 酉攝政兼忠罷以左大臣藤原兼基攝政

己三 正安元年日本史夏四月乙亥改元六月辛亥以前內大臣
藤原公守爲太政大臣冬十月辛酉太政大臣公守罷十一月戊
戌以兼基爲太政大臣攝政仍舊

元史成宗紀大德三年三月癸巳命妙慈弘濟大師江浙釋教總
統補陀僧一山齋詔使日本詔曰有司奏陳向者世祖皇帝嘗遣
補陀禪僧如智及王積翁等兩奉璽書通好日本咸以中途有阻
而還爰自朕臨御以來綏懷諸國薄海內外靡有遐遺日本之好
宜復通問今如智已老補陀寧一山道行素高可令往諭附商船
以行庶可必達朕特從其請蓋欲成先帝遺意耳至於惇好息民
之事王其審圖之

元史日本傳三年遣僧寧一山者加妙慈弘濟大師附商船往使
日本而日本人竟不至

元史鐵木兒塔識傳日本商百餘人遇風漂入高麗高麗掠其貨
表請沒入其人以爲奴鐵木兒塔識持不可曰天子一視同仁豈
宜乘八之險以爲利宜資其還已而日本果上表稱謝俄有日本
僧告其國遣人刺探國事者鐵木兒塔識曰刺探在敵國固有之
今六合一家何以刺探爲設果有之正可令覩中國之盛歸告其
主使知嚮化

明史日本傳宋以前皆通中國朝貢不絕事具前史惟元世祖數
遣使趙良弼招之不至乃命忻都范文虎等帥舟師十萬征之至
五龍山遭暴風軍盡沒後屢招不至終元世未相通也

庚四 正安二年日本史春正月庚辰天皇加元服夏五月戊寅攝
政兼基罷太政大臣秋閏七月丙午賜西大寺僧獻尊號興正菩
薩賜菩薩號始於此冬十二月丁亥以攝政兼基爲關白

辛丑 正安三年日本史春正月壬戌天皇禪位於皇太子在位四年徙御二條富小路殿上尊號曰太上天皇稱新院及後醍醐帝即位更稱本院正和二年伏見薙髮上皇專裁政事初上皇在位時北條貞時定後深草龜山兩宗迭立之策限以十年至元亨元年十月上皇祈石清水宮以皇子量仁親王居東宮嘉祿元年量仁立爲皇太子上皇又祈賀茂社以皇太子早承大統元弘元年後醍醐帝幸笠置山北條高時奉皇太子踐阼上皇御常盤井殿又決政事三年三月赤松則村奉後醍醐帝詔來攻上皇與光嚴帝花園帝徙御六波羅敕徵諸方兵五月足利尊氏到京師上皇以爲助我旣而尊氏奉後醍醐帝詔攻六波羅上皇大驚突圍東出幸伊吹太平護國寺畱十八日歸京師六月薙髮於持明院法名理覺後改行覺延元元年四月壬午法皇崩於持明院殿年四十九火葬於嵯峨野奉安遺骨於深草法華堂遺詔稱後伏見院又女御藤原甯子左大臣公衡女藤原氏權大納言實明女稱對御方藤原氏亦實明女稱廊方高階氏從三位治部卿局即伏見帝宮人右京大夫局子十二甯子生光嚴院光明院景仁親王實明女對御方生尊實法親王尊省親王廊御方生一皇子高階氏生甯永親王後改名法守法親王治部卿局生尊胤法親王長助法親王寬胤法親王承胤法親王亮性法親王

後二條天皇

日本史後二條天皇諱邦治後宇多第一子也母西華門院源氏弘安八年二月乙巳生九年十月爲親王永仁六年六月冠七月後伏見登阼八月立爲皇太子正安三年春正月壬戌受禪於二條高倉殿關白兼基左大臣藤原師教右大臣藤原公孝內大臣

藤原冬平權大納言兼左近衛大將藤原內實權大納言兼右近

衛大將藤原家平竝如故己巳尊後伏見曰太上天皇日本國志

上皇三歲時後深草稱本院龜山稱中院後三月己未號準三宮

藤原瑛子曰昭訓門院甲子即位於太政官廳時年十七六月庚

午以前內大臣源定實為太政大臣是月北條基時來居六波羅

北方八月辛巳以皇從祖弟富仁為親王庚寅立富仁親王為皇

太子辛卯前攝政兼忠薨九月丙辰大和國民據二上山作亂發

兵討之賊逃走冬十月丁卯大和國民掠春日四社神鏡各二若

宮神鏡十又據二上山官符發大和兵士及興福寺僧徒討之賊

伏誅十二月乙亥北條貞時奏元兵寇薩摩子敷島

壬六乾元元年日本史春正月乙卯號準三宮瑞子女王曰永嘉

門院三月己酉號準三宮煥子內親王曰陽德門院秋七月太政

大臣定實罷金澤貞顯來居六波羅南方冬十月乙丑以北條貞

時子菊壽麻呂死不奏事七日十一月庚戌改元辛亥以右大臣

藤原公孝為太政大臣日本國志命太宰府築石砦於博多海濱

造兵船嚴海防

癸七嘉元元年日本史秋八月庚寅改元九月己卯立女御藤原

忻子為中宮冬十二月壬寅新後撰和歌集成

甲八嘉元二年日本史春正月甲戌東二條院崩三月乙丑太政

大臣公孝罷秋七月丙寅本院崩丁卯葬後深草天皇冬十一月

北條時範來居六波羅北方

乙九嘉元三年日本史春三月壬子聽講羣書治要癸丑蹴鞠詩

歌合夏四月戊子關白兼基罷以左大臣藤原師教為關白己亥

北條宗方矯征夷大將軍久明親王命殺北條時村五月己西北

條貞時誅北條宗方日本外史四北條氏正安三年貞時削髮而老使時賴孫師時政村子時村並代執權師時從弟宗方爭權矯命先殺時村遂欲殺師時貞時怒命宣時子宗宣誅之秋七月丁巳前太政大臣公孝薨九月己未禪林寺法皇崩辛酉葬龜山天皇

丙午 德治元年日本史春三月庚子晦前太政大臣定實薨冬十二月壬寅以前內大臣藤原實家為太政大臣庚戌改元日本國志時禁不通商海船往來皆奸利小民元亦懸禁久之遂流為海寇後日本內亂分南北朝盜賊競起頻擾沿海郡縣至明而患益甚

丁未 德治二年日本史春正月戊寅修結緣灌頂於石清水宮著為式夏六月乙卯號準三宮譽子內親王曰章義門院秋七月丙戌遊義門院崩戊子葬游義門院

戊戌 武宗至德治三年日本史秋八月庚寅征夷大將軍式部卿久

辛亥 天皇崩於二條高倉殿年二十四在位七年葬於北白河殿稱後二條院又中宮藤原忻子太政大臣公孝女尚侍藤原瑣子攝政實掌侍平氏少納言棟俊女御匣殿藤原氏內大臣藤原氏權中納言藤原宗子參議宗平氏參議信新大納言局法眼良子五宗子生皇太子邦良邦省親王公親女生尊濟法親王公泰女生祐助法親王聖尊法親王

花園天皇

日本史花園天皇諱富仁伏見第三子也母顯親門院藤原氏永仁五年七月丙戌生後伏見養為子正德二年八月為親王遂立為皇太子嘉元元年十二月始讀孝經德治三年秋八月後二條崩壬子皇太子踐阼於土御門東洞院殿以關白師教攝政太政

大臣實家左大臣藤原冬平右大臣藤原家平內大臣藤原道平
權大納言兼左近衛大將藤原經平大納言兼右近衛大將源具
守竝如故甲寅葬後二條天皇九月甲辰立皇從祖兄三品太宰
帥中務卿尊治親王爲皇太子冬十月甲子改元延慶甲戌以征
夷大將軍守邦爲親王十一月乙未攝政師教罷以左大臣藤原
冬平攝政辛丑卽位於太政官廳時年二十二丙辰朔號上
皇所生準三宮源基子曰西華門院是月北條貞房來居六波羅
北方

配二延慶二年日本史春正月丁酉號準母藤原寧子曰廣義門
院二月丁巳號準三宮永子內親王曰章善門院夏六月戊寅號
準三宮壽子內親王曰朔平門院冬十月乙卯以北條貞時女死
不奏事五日甲子太政大臣實家罷以前內大臣藤原信嗣爲太

庚三延慶三年日本史秋七月北條時敦來居六波羅南方冬十
二月丙辰太政大臣信嗣罷戊午以冬平爲太政大臣攝政如舊
壬戌上後二條中宮號曰長樂門院是歲金澤貞顯來居六波羅
南方

辛亥應長元年日本史春正月丙子天皇加元服三月丁亥以攝
政冬平爲關白壬辰前太政大臣信嗣薨夏四月丙寅關白冬平
罷太政大臣庚午改元秋九月甲子相模守北條師時卒冬十月
癸巳前相模守北條貞時卒日本外史四北條氏延慶元年廢久
明立其長子守邦代之應長元年貞
時師時相繼而卒貞時畱意於政治景時賴之風初時政義時以
來數遣使分曹行郡國問吏民冤枉至於時賴貞時發問使被縋
衣四出多所撻發吏不得欺也而間使
又稍稍成奸時賴貞時終親出按之云
壬仁宗皇正和元年日本史春三月丙辰改元甲子玉葉和歌集
子慶元

成

癸丑 正和二年日本史秋七月庚子關白冬平罷以左大臣藤原

家平為關白

甲延祐 寅元 正和三年

乙卯 正和四年日本史春正月辛未造富小路殿二月壬寅號準

三宮延子內親王曰延明門院秋七月辛酉前相模守北條熙時

卒八月北條維貞來居六波羅南方九月丙寅關白家平罷丁卯

以前關白冬平為關白冬十二月壬寅北條高時拘前權大納言

藤原為兼於六波羅

丙辰 正和五年日本史秋八月癸巳關白冬平罷以左大臣藤原

道平為關白冬十一月戊辰朔日南至公卿表賀

丁卯 文保元年日本史春二月庚子改元夏四月乙卯富小路殿

所自二修興遷御秘九月丙寅中院崩丁卯葬伏見天皇

戊午 文保二年日本史春二月戊午天皇禪位於皇太子在位十

二年上尊號曰太上天皇稱新院與後伏見俱居持明院殿情愛

最厚元弘三年三月從後伏見徙御六波羅建武二年十一月薨

髮法名徧行居萩原殿稱萩原法皇正平二年八月不豫三年十

一月甲辰法皇崩於萩原殿年五十二葬於十樂院山上遺詔稱

花園院帝好學善詩歌親撰風雅集深好禪法以僧妙超慧玄為

師捨花園離宮為妙心寺居慧玄一室於方丈側號玉鳳院徙

御之遺像尚存焉又典侍藤原氏從三位藤原實子權大納言藤

原氏實子妹先入子三實子生直仁親王業永親王實子妹生覺

譽法親王日本國志自後堀河至此凡十世九十七年兵馬之權

皆在鎌倉自北條時政至高時凡九世一百五十四年君之廢立

宰輔將軍之進退皆惟命是聽其遲之久而後滅亡者立主以嗣源氏遷官猶稱原衙子孫相承終身不過相模武藏守又務爲勤儉以養民其取禍不速操之蓋有術也至高時荒縱則一敗塗地矣

後醍醐天皇

日本史後醍醐天皇諱尊治後宇多第二子也母談天門院藤原氏正應元年十一月癸未生龜山愛其穎悟常置左右嘗祈其獲位於石清水宮然後二條長且無它過失不得越立乾元元年六月爲親王嘉元元年十一月冠敘三品二年三月爲太宰帥德治二年五月兼中務卿延慶元年八月花園踐阼時後二條皇子邦良當立爲儲嗣後宇多法皇曰朕有所思宜先立尊治次及邦良九月立爲皇太子文保二年春二月戊午受禪於冷泉萬里富茂權大納言兼左近衛大將藤原內經權大納言兼右近衛大將藤原家定並如故三月庚午立皇姪邦良親王爲皇太子辛未尊花園天皇曰太上天皇庚寅卽位於太政官廳時年三十一夏四月癸卯號所生準三宮藤原忠子曰談天門院丙辰今出川院崩秋八月壬子以前內大臣藤原實重爲太政大臣十一月辛巳盜殺前參議源有時於郁芳門十二月丙申晦關白道平罷以內大臣藤原內經爲關白

己未元應元年日本史春三月癸未尊皇姊前齋宮獎子內親王曰皇后夏四月癸丑改元秋八月己未立女御藤原禧子爲中宮冬十月己巳太政大臣實重罷以前內大臣源通雄爲太政大臣十一月丙申號皇姊皇后曰達智門院是日談天門院崩

黜陟子奪一以賄成元亨二年陸奧人安藤堯勢與族季長爭邑而訟皆賂高資高資兩納之不決二人怒據邑反承久以來士之叛北條氏者始於此北條氏遣兵討之不克高時不以爲意日夕飲宴一日見狗鬪於庭喜之遂令吏民貢焚焚數千分附諸將養祝與載往來遇蔡不下者有誅焚羣鬪哮嗽如爭尸者狀高時又喜田樂樂師亦數千纏頭費每以萬數一夕高時獨醉舞有十餘倡來聚以助之姬人闖之倡皆天狗歌曰不見天王寺妖靈星乎歌終而去獸跡滿座高時醒無所見已而有疾高資勸其削髮讓職於貞顯高時弟泰家慍其不讓已亦削髮高時頗不平高資密令長貞顯自髡謝之諸將爭傲之圓顯滿朝高時頗不平高資密令長崎高賴誅之高資覺捕高賴流之內外憤怨攝津渡部氏大和越智氏皆起兵高時命吏擊之又不可正中高時流中納言藤原資朝於佐渡以其圖北條氏也初北條氏定承久之亂立後堀河帝帝傳位於太子是爲四條帝帝崩朝議欲立順德皇子泰時思土御門帝不與亂謀也遣安達義景立其皇子義景遂還曰有如順德皇子立則奚爲曰廢之遂入京師立後嵯峨帝帝二子後深草龜山相繼昇位後嵯峨特愛龜山遺詔時賴曰龜山之後承皇統乃以長講堂領爲後深草湯浴邑後深草上皇欲倚時宗力以得政柄時宗不敢從已而龜山傳位於太子是爲後宇多帝上皇憤恨欲削髮時宗乃以上皇皇子爲後宇多儲貳是爲伏見帝伏見帝立三年有賊淺原爲賴夜入宮中謀逆不成自殺六波羅檢之事連龜山上皇上皇賜書於貞時誓無它帝密救貞時曰龜山之在位憤成久事陰有所圖而不敢廢立其後非卿利也貞時乃立皇子是爲後伏見帝

十年更立先是時賴分藤原氏爲五派更任攝籙貞時之議天位蓋傲之也及帝崩立後伏見之弟是爲花園帝朝議欲立後二條皇子邦良承其後龜山上皇特屬意於後宇多次子遣使諭貞時立之是爲後醍醐帝邦良爲其太子帝憤北條氏以陪臣世主廢立也陰謀滅之視高時失政竊喜之令資朝及右少辨俊基等誘致美濃源氏土岐賴兼多治見國長等事覺或告之於六波羅北方北條範貞會攝津民作亂範貞因召四十八所籌卒得三千人以襲賴兼國長殺之是時正中元年九月也明年五月高時遣兵收致資朝俊基按問之不服遂謀廢立帝因賜誓書高時奉還其書釋俊基遂流資朝也

丙三 嘉祿元年日本史春二月壬午號準三宮藤原季子曰顯親門院三月乙丑皇太子薨夏四月庚子改元秋七月丙寅立本院皇子量仁親王爲皇太子先是皇太子邦良薨天皇因欲選諸皇子立之北條高時執兩宗迭立之議天皇遣中納言藤原定房於鎌倉依後嵯峨帝遺詔責讓高時高時遂不奉詔冬十月辛丑晦前征夷大將軍惟康親王薨

丁卯 嘉祿二年日本史春正月己未關白太政大臣冬平薨二月壬午以前關白道平爲關白三月壬子前關白房實薨陸奧人藤原季長起兵與族人相攻高時遣兵討之不克

戊明宗政和元嘉祿三年日本史冬十月癸卯前征夷大將軍久

辰文宗天祿元明親王薨

己巳 元德元年日本史夏六月壬子前太政大臣實重薨秋八月

壬子改元冬十二月癸巳前太政大臣通雄薨

庚至順元德二年日本史春正月戊寅關白道平罷以右大臣藤

原經忠爲關白秋八月癸酉關白經忠罷以左大臣藤原冬教爲

關白是月北條時益來居六波羅南方冬十二月北條仲時來居

六波羅北方

辛二元弘元年日本史夏五月癸酉北條高時遣兵執僧圓觀文

後基送於鎌倉新院亦密遣使於鎌倉告變丁亥北條高時徙文

觀於硫黃島忠圓於越後拘圓觀於陸奧八月癸丑改元乙丑北

條高時遣二階堂貞藤等率兵三千餘至京師丁卯尊雲法親王

知高時將行廢立遽奏之其夜天皇奉神器駕婦人車從陽明門

出大納言藤原師賢中納言藤原藤房從之至三條河原中務卿

尊良親王及大納言藤原公敏中納言源具行左近衛少將源忠

顯追至敕藤原師賢著御衣乘御輿如延祿寺權中納言藤原隆

資左近衛中將藤原爲明源定平從之揚言車駕幸延祿寺以綴

賊兵且試僧徒向背戊辰遲明行次古津進御膳至奈良東大寺

僧聖尋奉迎御松嶺寺北條時益北條仲時聞天皇出幸遣兵索

宮中執大納言藤原宣房中納言藤原公明左衛門督藤原實世

前參議平成輔己已車駕發奈良次鷲峯山庚午至笠置山北條

時益北條仲時迎本院新院及皇太子御六波羅辛未北條時益

北條仲時聞車駕在延麻寺遣兵攻之尊雲法親王尊澄法親王

督僧徒破之幸崎日本外史四北條氏嘉麻元年邦良薨帝初欲

三子護良遣使申後嗟峨遺命高時執貞時議立後伏見帝子量

仁為東宮帝怒與護良謀誘諸寺僧徒因以護良為山門坐主召

僧圓觀等呪詛北條氏元弘元年事覺捕圓觀等鞠而得實再執

俊基後伏見法皇亦使人來具告帝陰謀高時乃大聚諸將問計

眾莫敢言高資曰主上親王流之公卿黨者斬之如此而已勿再

貽悔也二階堂貞藤諫曰北條氏世尊王室惠下民所以執國命

無釁朝廷何能為高資睥睨貞藤曰迂腐之論何陳於今日公獨

不知承久故事乎高時從之八月遣貞藤等以三千騎入京師基

南都仲時政村曾孫時益方鎮南北得貞藤與計事泄帝逃之

羅北方僧豪譽來告帝在叡山則遣近江守護將兵攻之不利其

夜僧徒覺非真天子相率離叛藤原師賢等奔歸行在伊賀伊勢

大和河內兵多至行在遣中納言藤原藤房召見可內人南正成

之變名實之不相讐一至於此歟古之所謂武臣者勤王云爾如

源氏平氏莫不皆然至於平治之後乘綱維之弛以逞鴟梟之欲

有暴悍無忌者焉有雄猜匪測者焉雖所為不同而其蔑王憲營

私利一耳然猶有可言曰王族也將家也至於北條氏以將門屬

隸而坐制朝廷天下之事不復忍言也且夫承久之事孰曲孰直

筆而傳之者皆出北條氏盛時今安考信焉况君臣之際猶可較

曲直也乃指斥馮怒極其凌辱視萬乘之尊不啻如豚嗚呼八

州生民誰不被先王之遺澤當時所謂武士者其豈養供其使

喉雖名位族望遠出其右者奔走驅馳甘為之役之不暇氣類所

召習以為常豈可勝言哉即稱為公卿者平時趨蹌朝廷之上取

天子之爵秩以驕天下而及於此際未嘗畫一策以救危難袖手

旁觀以聽其所為是易尤於武人耶雖時勢有所未可君德有所

未洽以致乎此禍而亦臣子之罪矣自是以來百餘年間廢立黜

陟一仰其處分而朝廷覺蹙如被束縛至於窺其顏色以為憂喜

何其甚也余聞後鳥羽上皇之從隱岐也因石窟縛屋纒蔽風雨

十有九年乃崩蓋父子二帝隔絕千里各居窮海終天不得相見

是其心何嘗一日忘北條氏哉則元弘之事萬不可已也而其勤

王之功余以楠氏為第一微楠氏則西狩之駕吾見其與承久歸

一轍而止而已何哉彼北條氏雖失於政其權力有更甚焉藉累

世之威而加積弱之餘百萬虎狼隨其指呼魚味中國莫之或櫻

天下方以承久為戒重踵屏息莫敢言勤王之舉而楠公獨以眇

眇之軀唱義其間當其衝路挫其爪牙以鼓舞四方義士之氣使

考三後醍醐

三

奔奈良九月丙子北條時益北條仲時遣兵犯笠置癸巳北條
同時以皇太子量仁王稱帝於京師是為北朝庚子賊將大佛貞
金澤貞冬足利高氏率大軍逼笠置辛丑六波羅兵陷行在判
代錦織俊政飛驒守石川義純及子義右死之天皇徒步突圍
而出大納言藤原師賢中納言藤原藤房權中納言源具行扶行
三日夜至有王山下賊兵追及親王以下文武官僚悉見執是月
楠正成築河內赤坂城備後人櫻山茲俊築一宮城並起義兵冬
十月甲辰六波羅兵奉天皇幸平等院大佛貞直等請傳神器於
新主天皇使藤原藤房宣傳曰神器歷朝相承親所受授雖時或
有亂臣未聞悉相與奪且璽鏡遺之笠置惟有寶劍自隨若欲強
得之朕將先親用之貞直無所復奏乙巳又請幸六波羅救備鹵

復議傳神器乃置以親器是冬大駕佛直等圍赤坂城正成於
逃櫻山茲俊聞行在不守自殺日本外史五楠氏正成於是城於

行在三河人足助重範善拒備後人櫻山茲俊起兵應之高時乃
遣北條貞直足利尊氏等六十二將以武藏相模等五州兵十餘
萬騎西上未至而笠置陷重範被擒錦織俊政石川義純死之帝
與藤房奉神器逃於是貞直等諸軍徑赴赤坂城城纔成取粟
充糧焉兵塵五百人正成分其三百以弟正季族和由正遠將之
出城草山而埃東軍東軍至望見其城可方百餘步乃憫笑曰此
可隻手掀耳爭下馬肉薄攻之正成令士卒齊射立斃千餘人東
兵阻卻卸甲且息而伏兵自左右起正成以二百騎關門突出三
面合擊東軍大驚擾亂棄器械而走旦日東軍分爲二一備伏一
圍城正成豫築復垣繩懸其外垣敵蟻附焉乃斷繩敵與垣俱墜
乃投大石巨材殺七百餘人居四五日東軍修攻具蒙楯而進鐵
鉤鉤垣始崩正成令城兵執長柄杓沃沸湯敵焦爛而退東
兵於是築營環城爲持久之計而城內餘五日食正成謂眾曰吾先
天下舉大事固不獨生雖然天子在焉吾未可以死也吾今伴死
敵則去去則復起使彼疲奔命是全軀以亡敵之術也眾曰善乃
鑿坑填尸以薪蔽之乘風雨夜稍稍逃出入金剛山雷一人誠曰
度我遠而舉火起敵爭上城見坑中積尸謂正成既死也引
兵東去使湯淺定佛代守其城櫻山寺兵聞之潰散茲俊自殺
壬三 元弘二年日本史春正月天皇在六波羅南方北條高時欲

諷天皇令薙髮因獻僧衣天皇卻之三月丙子天皇遷於隱岐左近衛中將藤原行房左近衛少將源忠顯從之備前人兒島高德

候車駕於塗將奉天皇討賊不成日本外史五楠氏附兒島氏賊

徙之六波羅帝令備行幸儀乃往賊乃立後伏見帝子量仁即位

實光嚴帝請帝傳神器弗聽請帝削髮又弗聽每旦沐浴拜皇祖

如常禮賊畏憚之僧良忠謀奪帝不成二年二月高時徙帝於隱

岐其禮比承久頗厚參議源忠顯嬪藤原氏從而賊將佐佐木高

氏等以兵三千護送由山陽道兒島高德又謀奪之復不成○兒

島氏本三宅氏世居備前兒島兒島範長者為備後守子高德稱

備後三郎帝之在笠置也範長高德欲赴援聞笠置陷楠氏敗乃

止已而聞帝西遷高德謂其眾曰吾聞志士仁人有殺身以成仁

見義不為無勇也蓋要奪駕以舉義眾奮從之伏舟阪山而待久

之不至遣人候之曰駕向山陰道乃間道至杉坂則已過矣眾乃

散去高德悵恨不能去乃變服尾駕而行數日欲一見帝有所言

而不得聞於是夜入帝館白櫻服尾駕而書之曰天莫空句踐時非無

范蠡旦日護兵聚視不能讀也乃奏高時遷中務卿尊良親王於

之帝熟視之欣然心知有勤王者也高時遷中務卿尊良親王於

土佐尊澄法親王於讚岐恆良親王於但馬夏四月辛丑車駕至

隱岐以國分寺為宮北條高時命佐佐木清高護衛日本外史四

谷宗秋隅田通倫等圍笠置城固不拔高時遣大佛貞直金澤貞

冬將數萬騎助攻未至陶山義高小見山氏真率五十餘人夜乘

風雨縱城而入縱火呼譟外兵應之城即陷帝逃走追獲拘之六

波羅南方高時遣貞藤及安達高景立量仁即位是為光嚴帝令

員直引兵攻官軍將楠正成走之二年請光嚴帝詔徙帝於隱岐

千葉貞胤小山秀朝佐佐木高氏將兵護送王寅楠正成復赤坂城率兵徇和泉河內

丁卯新主改元正慶是為光嚴天皇五月辛未高時殺足助重範

己丑楠正成與六波羅兵戰於四天王寺大敗之日本外史五楠

至隱岐居國府島高時遙令隱岐守護佐佐木清高將兵監護焉

考十三後醍醐

左

部橋而陣敵望見易之輒競渡贏兵佯走敵追北過天王寺陷於
伏急麾兵卻我疾擊乘之敵兵卻走不可復制爭橋而溺者無
數京師爲之請曰渡部之川墜橋決田二帥愧之更命宇都宮公
綱以紀清兩黨五百騎代赴正成族和田某請逆戰曰我已勝五
千何有於五百正成默然良久曰勝敗之機在離同不在眾寡公
綱素負勇名而以寡兵承敗其將士同心於死可知也我藉使克
之能無失亡吾受大任前途甚遠而首傷我士後誰爲我用者吾
將不戰而屈之也遂拔營而去公綱代營焉既夜望四面皆炬火
漸多漸近乃不釋甲而待者三晝夜兩黨懼請歸曰楠氏兵日加
也公綱乃引歸正成復軍天王寺數出耀兵令軍中禁虜掠遠近
歸心多來屬者正成威振京畿寺舊藏有上宮太子讖文正成請
僧發視之文有曰當人皇九十五代天下亂而主不安此時東
魚來吞四海日沒西天三百七十日西鳥來食東魚海內歸一三
年如獼猴者掠天下三十餘年大凶變歸一元正成指而諭眾曰
所謂九十五代非今上耶東魚乃高時而爲西鳥所食則終歸族
滅耳日沒西天三百七十日之復辟蓋在明春諸君勸之眾皆
奮
廩庚寅高時殺參議平成輔尋遷大納言藤原師賢於下總前權
大納言藤原公敏參議藤原季房於下野中納言藤原藤房於常
陸僧聖尋於下總僧俊雅於長門六月庚子高時殺中納言藤原
資朝宰丑殺右中辨藤原俊基丁巳殺權中納言原具行是冬補
正成築千劍破坊尊雲法親王還俗更名護良築吉野坊赤松則
村應護良親王令起兵於播磨築苔繩以絕山陽山陰兩道
癸順宗元 元弘三年日本史春正月天皇在隱岐二月北條高時
西統元 遣阿曾時治圍赤坂大佛高直圍千劍破二階堂貞藤圍吉野丙
午伊豫人士居通治得能通言起義兵與長門探題北條時直戰
於伊豫星岡大敗之癸丑北條高時遷皇子恆性於越中守護名
越時有害之是月赤坂城陷閏月乙丑朔吉野城陷左馬權頭村
上義光及子義隆死之護良親王走高野山阿曾時治二階堂貞
藤遂併兵圍千劍破楠正成拒戰數破之赤松則村出自苔繩徇
山陽道進屯攝津摩耶山與六波羅兵戰敗之此時所在義軍並
起兵勢大張護良親王密疏奏之行宮北條高時懼有奪駕者益
嚴警衛而衛士稍歸心天皇天皇夜使侍姬賜酒中門番直衛士

富士名義綱義綱密致誠款勸天皇潛幸出雲伯耆之間天皇乃遣義綱往諭其族出雲守護鹽冶高貞戊子曉天皇潛出宮源忠顯從之途聞不知所嚮有一人負天皇至千波港適得商舟御之

佐佐木清高迅檝追天皇天皇與忠顯俱隱船底壬辰至伯耆大坂港名和長年奉迎造行宮於船上山聚兵護衛

是時皇子護良起兵據吉野又諭赤松則村勤王八月則松起兵播磨於是京畿警聞交至鎌倉高時乃徵東北三道大發兵以子

金剛山之千窟城之城挾山帶壑周圍一里高數百仞中有五泉雖旱不涸造槽蓄之養以黃土雨則引屋瀟於槽乃使別將守赤

坂而自徙金剛山三年二月東兵自三道上分爲三軍攻金剛山受圍七日乃陷赤坂城兵力拒殺傷過當賊絕其水道城遂陷吉野

諸道兵應高時徵者亦會焉稱八十萬合勢攻正成正成以千餘人拒之賊兵四面仰攻呼聲動天地正成死傷三晝夜不閣筆乃令諸

軍勿復復虛箭軍監高資令十二史記死傷三晝夜不閣筆乃令諸高直議曰叢爾山巔不容有水得非乘夜出汲乎前攻赤坂絕水

薄城上豫懸大木及敵薄而發之因射斃四千人越慙舉族憚休戰築長圍環守城兵困之正成乃作藁人數十被以甲冑夜

列進我兵頗發矢輒復入城而敵集於藁人則巨石已碎其頭立死五百餘人賊不敢復薄城也三月高時遣使督促諸將進

諸將合議命工造雲梯長二十丈跨壑架壁銳兵六千欲緣將進正成令投大炬啣筒注油以燒雲梯烟焰噴起賊兵前後喧騰梯

遂中斷陷壑焚死者數千人諸道豪傑望正成之風多應官軍者護良又命太和土寇絕糧道敵兵多逃亡敵中有新田義貞請

以干餘人來援急攻拔櫓鑿城址是六波羅二師又遣守都宮公綱條氏以天下多勤王者虞帝逃出戒佐應機拒之敵竟弗能拔北

高族義綱守中門竊謀脫帝未敢發一佐夜宮女傳高益嚴防備而清義綱因白日上未聞之乎楠正成據金剛山舉義兵高時以百萬

兵攻之三月是皇運將回也播磨備前伊豫將士並起應之或謀迎駕或窺京師幸出雲伯耆之秋也而如聞高時兇懼陰謀不長上

宜急或窺京師幸出雲伯耆之秋也而如聞高時兇懼陰謀不長上輒信因賜其宮女以察之義綱志益固帝乃命先往出雲誘其族

人來迎義綱往爲族監治高貞所拘畱帝以其久不返遂決意夜偽稱嬪御與源忠顯徒行逃出叩一民家問港所在主人熟視帝

狀貌知非常人也乃負帝至港託諸舟人舟人亦有感喜色忠顯告以實揚帆而南天明願見數十艘近則清高也舟人伏帝與忠

告以實揚帆而南天明願見數十艘近則清高也舟人伏帝與忠顯

告以實揚帆而南天明願見數十艘近則清高也舟人伏帝與忠顯

告以實揚帆而南天明願見數十艘近則清高也舟人伏帝與忠顯

告以實揚帆而南天明願見數十艘近則清高也舟人伏帝與忠顯

告以實揚帆而南天明願見數十艘近則清高也舟人伏帝與忠顯

顯於船底覆以鯨魚而坐其上清高來索舟人曰何索曰先帝逃
矣舟人曰果有是事嚮京裝者二人乘船發港因指曰在彼清高
赴之帝遂達名和港依名和氏癸巳晦佐佐木清高率兵犯船上山名和長年拒
卻之日本外史五楠氏附名和氏本村上氏世居伯耆名
行高四子承久之役有名和行秋者焉與孫行高從官軍事敗奪邑
岸問途人豪傑可倚者答以長高忠顯乃踵其家方宴忠顯直
入傳詔長高未答長重進曰人之所重名而已矣今忝受帝者自
託事無成否皆足以揚大名於天下長高乃決意計奉帝於船上
山令長重等五人擐甲走迎帝跪御舟傍帝欣然長重被薦於甲
背負帝登山藉木葉進食長高欲移倉粟於山募村民能運一擔
者賞錢五百一日致五千餘石乃盡燒其宅率百五十騎以護行
在因樹植柵列屏為垣氏高造布旗數百煤印近國諸豪章識張
之山上明日清高以兵三千自山前後來攻望見旗章不敢進我
兵蔽林而射射殺一將敵八百騎乃來降清高在山後未之知也
更兵急攻會日且入大雷雨長重乘而疾擊擠賊於谷廛千
餘人清高單舸逃去帝授長高左衛門尉兼伯耆守賜名長年子
弟拜官 鹽冶高貞富士名義綱等率兵來歸乃下詔諸國討北條

高時於是山陽山陰南海西海兵士並起勤王三月癸卯赤松則
討桓六波羅兵戰於賴河甲辰復羅赤松於桂河左衛門佐藤原忠
俊與六波羅兵戰不利丙午敕左近衛中將源忠顯帥山陽山陰
二道兵援赤松則村菊池武時起兵討九州探題北條莫時於博
多不克死之戊申赤松則村以左近衛中將源定平詐稱聖護院
宮營於男山崎塞西海道六波羅兵攻之則村逆擊破之辛酉
延麻寺僧徒復奉護良親王令與六波羅兵戰於法勝寺不利但
馬守護太田守延奉恆良親王會左近衛中將源忠顯於丹波夏
四月乙丑源忠顯奉恆良親王率兵二十萬陣於峯堂丙寅赤松
則村與源定平僧良忠攻六波羅不利辛未源忠顯與六波羅兵
戰於京師官軍敗績太田守延死之忠顯奉恆良親王走男山結
城親光歸順日本外史四北條氏已而楠正成復起兵皇子護良
義子阿曾時治與貞藤高直高資以五萬騎赴攻三年二月時治
攻赤阪人見恩阿本問資貞先登資貞子甫十八隨父死城終陷

考十三後襲嗣

二月貞藤亦陷吉野與時治俱援高直圍千窟不能下三月六波羅二帥徵山陽兵伊豫豪族亦應官軍二帥遣近江兵攻則村大敗於是數警隱岐守護備帝逃逸而帝果逃歸伯耆二帥再遣萬人攻則村又敗則村與藤原宗鎮縱火來攻遣宗秋通倫以兵二萬拒之桂川則村子則祐亂流來擊我兵又大敗時已夜新帝兩上皇入六波羅二帥大出於七條積陶山高通河野通盛巷戰走則村則村退走抵八幡山崎運路梗塞二帥遣兵擊之陷伏敗還而山徒亦以護良令來攻二帥遣通盛又敗則村於京南而官軍將江守護佐佐木時信備之高通通盛又敗則村於京南而官軍將源忠顯大兵來攻二帥悉甲乘陣時信以五十人擊走忠顯而己結城親光遽降官軍士卒多逃二帥告急於鎌倉使者相踵而已

卯北條高時遣名越高家足利高氏率兵入京師庚寅赤松則村擊名越高家於久我暇斬之先是足利高氏竊納款至是遂歸順

日本外史七足利氏正記足利氏上足利氏出於源義家義家在京師其子義國以事謫關東居上野生二子義重義康義康食下野足利郡因氏焉為檢非違使左衛門尉保元之亂從源義朝於京師衛守大內捕平家引補藏人聽昇殿生三子義清義長義兼義兼雄偉而循謹其二兄皆為源義仲將西與平氏戰水島死之而義兼從征夷大將軍源賴朝於鎌倉最見親待從擊平氏筑紫又從擊藤原氏陸奧陸奧再亂義兼統諸將往討之賴朝因定天

生家時家時生貞氏皆居足利旗用白旗號重畫細川畠山仁木岩松桃井吉良今川斯波石橋澁川石堂一色諸族皆出於足利氏足利氏世與北條氏婚更相倚賴然時家貞氏自負門地恥立人下思俟時滅之貞氏娶上杉氏生二子曰高氏曰直義高氏稱又太郎任治部太輔直義任兵部少輔高氏為嫡嗣娶赤橋守時妹生子千壽赤橋北條氏族也元弘元年後醍醐天皇起兵據笠置山討北條高時西城陷乃返二年高氏直義等往攻之高氏兄弟時已而帝歸伯耆官軍並起攻六波羅府帥北條仲時北條時益數戰不利高時遣高氏及名越高家赴援高氏有疾不欲往強之再三高氏大慍乃答使者曰當不日發矣因陰謂其親信曰彼舊為我家臣隸時遷世變乃至僕役我欲以今日歸官軍以興我家如何上杉憲時房細川和氏等皆贊成之高氏乃欲挈家行或說高時曰源氏失天下兵權久矣今日之勢焉知其無異圖宜質其孥且要其誓高時然之以溫言來請焉高氏患之謀於直義直義曰公欲誅無道神豈不右焉要盟神所不調也宜畱親信護孺子而夫人則屬赤橋氏當無所憂公第聽彼所言亟成大事高氏從之高時祖道取一白旗授高氏曰是白八幡公傳至右大將而我家受之者請以為贖八幡公謂義家右大將謂賴朝也高氏受之心竊喜焉乃率直義以下宗族三十二人兵三千而西至三河告謀於其故黨吉良貞義貞義曰臣固將言焉高氏意益決抵京師即密使使伯耆請降帝素聞其家聲則大悅賜使者以邑勅曰諸國官軍汝其帥之以滅國賊賊滅之後賞當從所請已而名越高家

後至與官軍將源忠顯赤松則村戰於狐川敗死高氏方張宴於桂川西指一佛舍問其名或答曰勝持寺高氏晒曰吾將勝而持之矣乃聲言往攻行在遂上馬行入丹波三年四月二十七日至篠村建旗於入幡廟前州人久下時重以二百騎先至旗號一番字高氏見之問故對曰右大將之起臣祖重光先眾而至五月乙未下條制源忠顯曰朕於諸院崇奉之意無或渝易特敕諸軍勿敢侵暴仙洞近側及諸莊園犯者處以重科須北條仲時北條時益伏誅奉還兩院新主於本所嚴戒震驚至其扈從卿士具以名聞至決其罪合在後日行軍用師要在和調前軍進戰後軍不繼罰奪三勳諸將雖素有仇怨臨陣勿圖報復務期立效凡給糧糗務在周均不可私增減建功之徒本領外加重賞子孫世襲死傷者具狀申上陣亡者擇子孫如支親授以舊領朝士武人及僧徒祠官歸順者本領外更有推恩若不能躬至而有能獻策輸糧助陣國賄亦贖路難之弊燥乾人無從請賞疑其建訪自致焉後錄故諸軍主帥宜體朕意軍之所在則禁戢士卒莫恣抄掠非預軍機勿得放火勿課取糧米以致刻虐止伐叛亂不擾平民庶幾得天地神祇之佑賴宗廟社稷之靈以致克捷之功其宣布四方明使知聞己亥源忠顯足利高氏赤松則村併兵攻六波羅北條仲時北條時益挾本院新院新主東奔時益伏誅官軍收復京師日本外史五楠氏附名和氏義綱高貞以千餘騎至山陰山陽豪族來屬數十姓而兒島高德從備前往帝令高德等從源忠顯攻六波羅長年子義高初應高時後圍金剛山間長年應官軍拔歸亦從忠顯忠顯行收兵得三萬人遇但馬守護大田守延擁皇子恆良來會合兵軍於峯堂僧良忠軍男山赤松則村軍山崎皆奉兵部卿護良令與叡山僧徒約將戮力入京師而忠顯欲專功獨進敗走守延死之高德義高雷而力戰忠顯在峯堂惟怯不安欲卻軍避敵使使召還高德等高德切諫止之自以三百騎守七條橋備敵夜襲夜半願望峯堂炬火稍熾乃怪而還遇丹後人荻野朝忠日大將逃矣高德往視其營則錦幟仆地鎧仗狼藉高德取錦幟追及朝忠收潰兵守高山寺高時聞金剛山久不拔遣足利尊氏名越高家助攻率萬騎至京師忠顯則村破殺高家尊氏家聲素

考十三後醍醐

三

著得新帝密旨欲犯行在意持兩端比及丹波聞高家敗死乃屬
官軍反攻京師將士競附之獨高德不欲附與朝忠別由若狹路
入京師五月從諸將圍六波羅結城親光出降忠顯恐金剛山賊
兵解圍來救也急攻之伯耆出雲兵聯車數十輛積以屋材傳城
火之城兵逃亡相踵二帥遂東走死近江而金剛山之圍始解矣
○日本外史七足利尊氏上五月七日高氏引兵南攻六波羅自
祈戰勝納一矢於廟直義以下宗族皆傲之矢積成堆乃發沿道
兵皆附之北入京師凡五萬人軍於神祇官址府帥遣兵二萬來
拒我軍擊大破之與忠顯則村合兵圍府細川利氏說曰圍之者
固彼志而損我兵也不若誘而走之高氏乃闕其一角果多逃降
者府帥遂奉新帝走死近江
江高氏乃奏捷於行在 庚子源忠顯得神鏡於權大納言藤原

公宗北山第安之禁中是日上野人新田義貞奉護良親王令舉
義兵關東豪傑爭先響應辛丑守良親王起兵要擊北條仲時於

近江番馬仲時伏誅獲本院新院新主及所授劔璽日本外史四月

高時遣名越高家足利高氏等西上半守京師半攻行在高家朝
時五世孫也與則村戰狐川被鮮甲挺前中箭死高氏傍觀不戰
下馬張飲遂降官軍合兵攻京師京師兵三萬大半吏胥不習戰
二帥乃深溝固壘守之擊卻忠顯已而城兵大潰餘千餘人二帥
聽宗秋議夜奉兩上皇新帝太子空城東走土兵環起而射太子

破其前鋒而兵疲矢盡走入佛寺與仲時謀欲據近江城時近
江守護殿而後待之不至仲時曰是亦叛矣乃謂其兵曰獻吾首
於官軍是我所以報君之勞也乃自殺宗秋以下四百餘人從死
新主兩上皇 壬寅大佛高直阿曾時治二階堂貞藤解千劔破圍
被收人京師

走柰良甲辰源忠顯足利高氏赤松則村等馳使船上奏收復京

師天皇召羣臣議還幸勘解由次官藤原光守建言六波羅雖亡

餘黨猶熾陛下宜暫駐驛船上命諸將圖進取埃關東之捷聞而

後發也天皇猶豫乃親以周易筮之獲師上六吉乃敕嚴行新田

義貞與鎌倉兵戰於久米河敗之丁未進戰分陪不利戊申又戰

大敗之甲寅新田義貞攻破鎌倉北條高時伏誅鎌倉平日本外

田氏正記新田氏外史氏曰新田足利二氏皆出於八幡公其門
閥固不相下也而新田氏為嫡宗舊志皆以足利氏承源氏之統
號曰將軍者以成敗之跡軒輊之耳然二家聲威有優劣者有由
來矣蓋二家之所同祖者義國義國以八幡公之子而謫於上野
所謂新田郡其所食也二子義重義康依其外家田原氏居
足利郡終得分食其半而義重繼有新田又襲義國官爵則義重

後醍醐天皇 義重繼有新田 又襲義國官爵則義重

之為嫡宗明矣然及源賴朝起義重與之有隙以夫炊助終其身
 子孫不過曰上野一武族而義康遭遇事變頓進官爵又與源義
 賴著於鎌倉後醍醐帝之未起事蓋稔聞足利氏之為強宗也是
 以及間其功勞遠出其上者則待二家交訟之日然後知之及尊
 新田氏之乃命義貞宗族以之防之而其勢既成不可復過可勝
 氏或謂義貞族望不及尊氏故不能獨立而倚朝廷以爲重余以
 爲不然朝廷倚新田氏非新田氏倚朝廷也新田氏將帥材武部
 屬精勁非足利氏所企及而數奇敗衄終至銷亡者無他故也天
 下厭苦朝政而謳歌武治故利尊氏之營私而不便義貞之奉公
 不得已而從之勉強而赴戰難以衣纓之偏裨畿甸之召募掣肘
 牽累動不如意爲之將帥者豈不難哉嚮使義貞亦出足利氏所
 爲則介胄之族將雲合霧集而歸之而足利氏焉能加之天下之
 事皆可圖也何至困踣如此哉是其禍福利害雖三尺童子亦能
 知之義貞寧有不知而終不改其節者豈非利氏久矣是寧可以
 忍倍畔也邪否則源氏之統其歸新田氏久矣是寧可以成敗論
 也且夫將門之有統非必如帝室也况足利氏之所謂將軍者始
 於其第三世如其父其祖皆非受命於正統之朝也受命於正統
 之朝而爲將軍者乃護良成良二親王而非必有其實至於中興
 總戎之寄固屬義貞云余之列敘兩家也以此爲首故附見焉○新田氏出
 於源義家義家第三子曰義國敘從五位下任式部大輔嘗入朝
 利郡治承中平氏失政源氏競起義重集兵據寺尾城源賴朝起
 於鎌倉招之不答及賴朝定關東與義康子義兼等並往歸焉賴
 朝欲娶義重女爲妾又不肯遂與有隙及奏請諸源官爵義重纒
 得襲父爵任大炊助有七子其第二義包爲嗣義包生義房義房
 生政氏政氏生基氏基氏生朝氏凡六世皆襲邑新田遂以爲氏
 旗用白旗號中黑脇屋見大館堀口鳥山羽川山名桃井一井
 金谷細谷江田大井田德川世良田諸族皆新田氏自出分處上
 野越後而起皆於金剛山北條氏北條高時之遷後醍醐天皇於隱岐
 也楠氏起兵於金剛山北條氏北條高時之遷後醍醐天皇於隱岐
 亦在遣中焉已而城固不拔東兵多逃亡義貞召其家宰舟田義
 昌語之曰源平相制並護王家自古爲然吾雖無似忝列源氏曹
 裔特以時勢非遠爲北條氏所驅使遂敵官軍豈其本心也吾視高時
 近狀亡滅非遠爲北條氏所驅使遂敵官軍豈其本心也吾視高時
 非有所受命不可安得大塔宮令旨則吾事成矣大塔宮者帝第
 三子護良也護良初疾北條氏專權與帝密謀討滅之敘二品任
 兵部卿充山門座主號尊雲居大塔宮世因稱大塔宮及謀泄東兵
 來執帝護良先謀知之教帝逃笠置山而自與弟宗良將兵邀擊
 破賊已而兵潰與宗良分路走南都般若寺笠置既陷宗良就
 竊賊遣兵圍寺護良潛經函中而免遂與從事九人爲道土裝負
 箕南走至十津川依土豪戶野兵衛蓄髮娶兵衛族女賊聞之購
 其頭千金護良逃入吉野山明年五月起兵吉野據寺爲城又遣
 從士赤松則祐諭其父則村起兵播磨已而賊將二階堂貞藤等
 大兵來攻護良親戰不支城遂陷從士村上義光僞稱護良死護

良竟匿高野山谷間指使山寇以助楠氏又奪賊糧餉義貞頗知其蹤跡而未詳所在也故謀於義昌義昌乃使三十人為山寇狀而自為亡卒鬪於山下山上寇見之下援義昌生得之縱其一人通意於護良護良素知新田氏名族大喜即為令與之權用詔辭義貞感喜出意外翌日稱病東歸與子義顯弟脇屋義助等謀討高時高時未之覺也以金剛山久不拔官軍並起益調發兵食新田素多豪戶因課六十萬錢限以五日縱吏卒催迫義貞曰奴輩亡狀敢蹈藉我地遣兵捕其吏梟首里門高時聞而大怒下令擊新田氏新田氏會議或曰距利根河或曰赴越後依其宗族義助進而言曰二者皆非計也坐待強敵情見形屈則我兵內潰一敗塗地使人曰新田氏戕使者而誅死一也寧死於王事今雖匹馬單兵出徇於國中眾附則進攻鎌倉不則戰死孰與坐取誅殺乎眾以為然乃起兵大館宗氏堀口貞滿岩松經家里見義氏江田行義等百五十騎推義貞為將豎旗於邑生品祠前以舉義焉實元弘三年五月八日也義貞拜讀詔書畢進陣於笠懸野比日暮利根河側塵起有兵至可二千騎眾謂敵來矣漸近則越後宗族來援也義貞驚喜曰諸君來何速何以知吾舉義大井田經隆伏鞍而對曰今日且羽黑俊賢來徇國中是以馳至在遠境者明日當至俊賢經隆弟善走者也明日越後全兵及甲斐信濃諸源以五千騎至乃合兵進入武藏近國將士不期而會者一日二萬人軍於入間河北高時聞義貞起事不以為意也發兵十一萬以族貞國貞將將之前後來擊貞國抵河南望見新田氏軍甚盛乃不敢進而義貞已亂流而至大戰於武藏野兩軍皆東國驍兵素習

援夜抵其軍義貞不察侵晨又戰不利而退泰家益輕新田氏曰敵中必有斬致義貞者皆釋甲飲酒相模人三浦義勝心素嚮義貞率兵六千來屬之義貞禮而詢計焉義勝曰方今天下分崩義敗互變而天命所歸終有在焉公幸并僕兵可以一戰義貞曰以疲兵當新勝之眾若何曰戰勝而將驕卒懈者敗泰家之謂也敗兆已備不足畏耳詰朝之事僕請為公先焉且日卷旗徐進敵相指語曰嚮聞三浦氏應徵而至是也俄而義貞等翼而進三面掩擊泰家軍大敗貞將一軍與小山千葉氏戰於鶴水亦大敗皆走人鎌倉八州豪傑響應爭歸義貞義貞進至關戶兵凡十二萬騎分為三軍三道攻鎌倉大館宗氏江田行義自極樂寺堀口貞滿大島守之自兒囊坂義貞義助自率諸將自假妝坂縱火五十餘所而進鎌倉震駭而北條氏見兵猶十餘萬分距三道義貞貞滿進入山內而宗氏戰死其兵皆卻義貞以選兵二萬乘夜赴之則敵大兵據海岸樹柵兵艦列其南以備傍射義貞不忍坐視提兵討賊伏願海神眷臣忠義退潮以開道因釋所佩金裝刀投之海中比曉潮大退兵艦皆漂去義貞大喜磨眾而進諸將從之直入府中乘風縱火煙燄漲天義貞縱兵慶戰高時舉族遂伏誅自舉兵征夷至此蓋十五日矣義貞因居鎌倉誅餘黨撫新附威振關東

大將軍守邦親王為僧乙卯車駕發船上山大和守金持景藤執旗為左伯耆守名和長年帶劔為右鹽冶高貞前驅朝山義連後

拒左近衛中將藤原行房勘解由次官藤原光守文服其餘文武百官戎衣扈從丁

詔廢新主己未幸書寫山以安室鄉充不斷如法經料庚申幸

華山辛酉新田義貞獲北條高時子邦時斬之壬戌晦次兵庫赤松則村土居通治得能通言奉迎是月平泉

寺僧徒發兵誅賊將淡河時治於越前能登越中兵攻越中守護名越時有時有伏誅長門探題北條時直就僧俊雅降時車駕在

途鎌倉捷聞未至上下猶懷危懼六月癸亥朔新田義貞使至兵庫上捷書於是始知高時伏誅關東悉平眾莫不歡呼教授使者

三人官日本外史六新田氏先是天子在伯耆聞京師平將還關海內鎌倉敵入州承久之役誅伊賀光季甚易而與東兵鬪乃取

敗鉅今天下十得一二耳宜暫居此以視東國之變諸公卿皆然助義助為兵庫助賜使者爵建武元年舉族入朝義貞敘從四位

上任左兵衛督兼播磨守領上野守護義助任兵部少輔充補正月州具

京師御東寺廷臣百官奉迎時議或疑當用重祚之禮左大臣藤原道平奏言陛下雖在外久然躬奉神聖臣以為宜用巡狩還宮

之儀制可丁卯車駕還宮去正慶號悉創新主所署官爵廢關白特詔左大臣藤原道平右大臣藤原經忠參輔庶政己巳菊池武

重等驛言北條英時伏誅九國悉平甲戌詔復源長通右大臣藤原公賢內大臣乙亥以護良親王為征夷大將軍中務卿尊良親

王尊澄法親王中納言藤原藤房及僧圓觀文觀忠圓等至自遷所戊子本院薙髮是月詔源定平楠正成討北條高時餘黨於柰

良招宇都宮公綱降之由是降者相踵阿曾時治大佛高直二階堂貞藤等薙髮出降秋七月庚子斬時治高直等十五人於阿彌

陀峯特宥貞藤

日本外史四北條氏高時未之知也獨聞高氏叛則恐發上野下野等六國兵附弟泰家西上因徵

則恐發上野下野等六國兵附弟泰家西上因徵

則恐發上野下野等六國兵附弟泰家西上因徵

則恐發上野下野等六國兵附弟泰家西上因徵

則恐發上野下野等六國兵附弟泰家西上因徵

則恐發上野下野等六國兵附弟泰家西上因徵

則恐發上野下野等六國兵附弟泰家西上因徵

則恐發上野下野等六國兵附弟泰家西上因徵

則恐發上野下野等六國兵附弟泰家西上因徵

糧於諸邑次至新田義貞邑義貞斬其吏高時大怒乃專北向其鋒遺金澤貞將櫻田貞國分道攻義貞貞國與義貞戰於入間河殺傷相當退至久米河明日又戰不利退至分陪高時遣泰家援之黎明令兵三千人齊射而全軍從之破義貞軍既勝不設備會三浦義盛叛屬義貞合兵來襲泰家駭走橫溝某安保某還六波羅敗聞至矣內外失色間一日義貞三道來攻高時乃遣基時貞直守時守時長時孫而足利高氏妻兄也拒子囊坂大敗曰吾被猜疑不若速死乃自殺貞直拒極樂寺坂敗退家臣本間某獲罪家居是日出戰斬敵將大館宗氏獻首貞直而自殺貞直感入縱火府中高時以千餘人逃於東勝寺先塋貞將戰死基時國時鹽飽聖遠父子皆自殺三道軍皆潰安東聖秀自極樂寺軍還則府第已灰矣憤激曰百年之聖秀作色謂使者曰吾姪士家女何從女為義貞妻贈書招降之聖秀作色謂使者曰吾姪士家女何為此無恥之言而義貞亦不呵止之也以書握刀割腹而死義貞軍左入府中無復抗者獨長崎高資子高重力戰敵四面萃之高重欲一快戰公且待之乃乘其愛馬與百餘騎撤幟裹刃雜入新田氏軍狙擊義貞垂及而覺敵兵圍之高重乃大呼奮擊馬上敵一將投數步外敵軍辟易高重走至東勝寺則高時以下方欲屬鴈高重高重三職傳之攝津道準而自屠抉腸出之道準笑曰好下物也因滿酌盡半以傳誠訪直性而死直性與長崎圓喜

求高時遺胤宗繁欲斬送萬壽而憐物議乃給萬壽曰敵且來捕將誅之宗繁亡匿無舍者道餓死初泰家密諭諏訪盛高曰萬壽既託宗繁矣汝奉遺壽以爲後圖雖家兄自招禍而天豈遽忘我祖宗德哉時高時逃葛西谷而龜壽猶孩從在母所盛高往言於眾婢曰速付次郎我公欲訣之間大郎已死次郎亦終難免耳眾皆泣盛高佯怒取之而去信濃匿於諏訪祠官賴重家泰家既遣盛高欲自脫走爲重傷歸鄉者狀臥畚中以蠟衣自覆南部景家伊達匡衡昇之令二卒繫新田氏號騎而先導走陸奧餘兵三百餘人度其行遠火第自殺新田氏至以爲泰家已死也鎌倉與六波羅間十五日皆夷滅長門探題時直時房第五子也爲土居氏得能氏所攻航而東走聞高時死欲還筑紫筑紫探題北條英時亦爲小貳貞經所攻殺時直因貞經降宥死歸邑尋病死淡河時治時房孫也初屯越前扼北陸道已而越中守護名越時有戰死平泉僧兵來攻時治時治與妻子皆自殺時直時房第五子也鎌倉六波羅皆同月是月大佛高直二階堂貞藤長崎高資等解千窟圍退保南都七月謀犯京師官軍來攻高直等削髮而降斬於阿彌陀峯以貞藤嘗諫高時特宥死歸邑尋謀反見誅○日本外史五補氏附名和氏菊池氏士居得能氏捷報伯耆天皇議還關親筆之遇師之蒙曰大君有命開國承家小人勿用乃決議二氏捷報高時已伏誅矣正成年帶劍侍右百官戎服至播磨得新田之曰今日之事皆汝忠誠所致正成曰不賴陛下威靈臣安得脫

考十三後

七

重圍再覩天日哉詔使正成先驅歸闕廢新帝而復位於是大索
賊餘黨詔以藤原師基爲太宰帥討鎮西探題北條英時未發菊
池氏與少貳氏大友氏並馳使報鎮西之捷○菊池氏本藤原氏
其先政則者防元寇有功及子則隆賜肥後菊池郡世襲後十餘
氏曰武時是歲三月武時與少貳貞經大友貞宗謀應官軍謀泄
北條英時在太宰府召武時武時欲先發使使少貳大友約期貞
宗依違不答貞經亦聞京師官軍數失利也遂斬其使送首於英
時武時大怒曰吾誤矣與此奴輩謀事奴輩不在吾寧不能戰乎
乃以百餘騎發過櫛田祠前馬俄不前武時曰何物牛鬼敢沮義
兵顧射其龕馬輒前前攻英時戰譙門外克之前逼內城英時將
自殺會貞經貞宗以六千騎來救武時乃遣歸長子武重自與次
子四人進戰死之已而貞經貞宗聞京師平金剛山圍解則懼合
議攻陷探題府殺英時長門探題府亦爲土居得能氏所攻陷○
土居得能氏皆出於河野氏河野與兒島同姓世著於伊豫承久
時河野通信者死王事其庶子分爲兩家曰土居曰得能及元弘
時有土居通治得能通言皆勇毅好義是歲二月並起兵應官軍
畧地土佐長門探題北條時直以兵艦三百來攻通治通言逆戰
星岡大敗之四國兵多來屬焉乃艦於今治欲東攻六波羅聞金
剛山圍解車駕歸關則往兵庫謁馬時直既爲二人所敗走歸英
時英時已死則從小貳島津氏而降於是天下大定而金剛山潰
兵聚般若寺猶數萬人正成與源定平將畿兵攻之時治高直
貞藤高資公綱等六十人率眾降皆處斬獨公綱以特旨宥罪丁
已詔去斥貶賊黨外將堵所舊遠近士民走集關下徒訪農業其
如特旨所予奪勿得準此八月甲子議軍士賞丙寅左兵衛督足
利高氏賜名尊氏九月二階堂貞藤陰圖不軌伏誅冬十月壬申
中宮崩追號後京極院是月以參議源顯家爲陸奧守與上野介
結城宗廣奉皇子義良出鎮陸奧出羽前大納言源親房輔之顯
家以任重不練戎事固辭詔曰古者皇子皇孫及執政大臣子內
輔朝政外總戎旅方今海內統一朝野俱治文武之道何爲二揆
其過往守爾藩屏十二月丁卯立珣子內親王爲中宮庚午詔號
廢主爲太上天皇詔曰朕恭承帝系叨握神符王道難覃謝德於
姬周之賢庸昧可恥宣化於夷夏之俗而皇太子謙讓合道惠澤
普及今避儲位於青闈之月伴仙遊於射岫之雲雖無準的之舊
蹤加以禮制之崇敬宜上尊號爲太上天皇普告遐邇俾知朕意

是月以成良親王為上野太守出鎮鎌倉以左馬頭足利直義為相模守輔之日本外史七足利氏上帝乃還闕廢新主而復位即正五位下任左馬頭以甲士五千扈乘輿後於是高氏遣細川和氏與弟賴春將兵往定關東先是千壽逃歸下野聞新田義貞起兵往從之義貞義重遠孫也北條高時伏誅鎌倉平義貞闕源氏故器得白旗旗號重畫新田氏號中黑故不可用和氏聞之以其有足利氏之號就而求之義貞不與也和氏乃大稱高氏在京師得寵遇狀以搖將士將士稍稍去義貞就千壽新田氏於是與足利氏有卻而帝方寵高氏進從三位參議賜御諱尊字

改名尊氏十二月遣皇子成良鎮鎌倉直義執權焉

甲二 建武元年日本史春正月辛丑營大內以安藝周防租賦充其料費又徵諸國地頭所入二十分一始用楮幣壬子立恆良親

王為皇太子戊午晦改元二月丙戌詔曰國家有錢尚矣自天平

寶字至天德改鑄十次自近古外境之貨濫布民間國錢不行甚

違彝典當茲庶政方始新命官鑄欲以濟用便民文曰乾坤通寶

其銅質純用松木實帶在二月一號局時除舊本開其鑄

田貞義亦起兵筑紫僧憲法據河南飯盛山赤橋重時據伊豫立

烏帽子山冬十月庚申權中納言藤原藤房棄官而去日本外史

土居得能氏建武元年帝論賞戰功以正成為攝津河內守護名

和長年為因幡伯耆守護正成任檢非違使左衛門尉特與長年

並直決斷所聽斷訟獄令天下休兵務農武人領邑安堵如故帝

以京師之復為足利氏之功也歸關之日首超擢之至是又管四

大國尊氏猶歛望陰有異心帝以高時邑自奉以泰家邑賜皇子

護良以貞直邑賜三位局三位局即嬪藤原氏有殊寵內謁漸行

時諸皇子皆復故而恆良為藤原氏所生又生成良義良意害護

良尊氏潛與合謀遂構陷之當是時帝寢倦政足利氏資望獨盛

新田氏亞之正成以下充驅使而已是歲春北條憲法作亂據飯

盛山赤橋重時起伊豫正成討憲法土居得能氏討重時纔平之

而帝遊宴自如益徵珍異鹽治高貞獻千里馬帝出觀之以為祥

瑞也藤原藤房諫曰天馬毋用於平世近日賞罰無信工役繁興

文臣內諫武臣外怨而奸雄窺覷其間天馬之出焉知非亂兆

丑禁征夷大將軍護良親王於馬場殿是月河內守楠正成攻僧

憲法土肥通治得能通言誅赤橋重時少貳貞經大友貞宗誅規

矩高政絲田貞義並傳首京師十一月己亥流護良親王於鎌倉

日本外史六新田氏足利尊氏者義兼遠孫也地望素著佐攻京師首蒙寵爵官祿皆遠出新田之上遂陰蓄異圖而忌義貞及皇子護良初帝之歸闕護良居志貴山近畿兵爭歸之將率以入朝而不果帝後參議藤原清忠就言曰天下既定汝將何為蓋削髮復舊護良對曰高時雖伏誅餘黨未殲宜嚴武備以絕覬覦且陛下之德微臣之謀以致有今日而足利尊氏攘為己功臣觀其志有不可測者不及其力微而除之復生一高時也臣聞佛有二道曰攝受曰折伏願陛下任臣以戎事臣將為陛下折伏焉帝不憚勉從之拜為征夷大將軍而不許誅尊氏護良具驕從入朝赤松則村為先驅焉尊氏深嫉之乃結於帝寵姬藤原氏陰謀排陷焉而護良不察輒欲除尊氏多蓄死士密徵兵尊氏得其檄上變告大將軍反欲廢帝立其子興良為帝藤原氏自傍贊之帝怒十月伏甲召護良執之囚於宮中護良憤怨因所識宮人上書曰臣以罪累敢訴冤枉唯陛下憫察之臣夙憤武臣專恣釋法服被戎衣受世譏而為君父忘軀在廷臣子莫敢效力而臣獨張空拳以抗強敵賊之耳目集於臣身購臣以萬戶臣晝伏夜行匿山谷踐霜雪殆死而復生者數焦思運籌遂得底誅夷之績而不圖獲罪於此仰將誅天日月弗照不孝之子俯將哭地山川弗載無禮之臣父子義絕乾坤共棄臣不敢復有望於世也儻有死刑削籍歸佛臣終身毋悔抑申生死而晉國亂扶蘇刑而秦世傾聖明蓋延古以鑒今焉涕隕心慚不終所欲言書入莫敢奏達者諸從護良

野太守成良親王為征夷大將軍置關東廂番奧州評定眾掌治

其方事置新決所於郁芳門側以卿相為頭人分治五畿七道事

其大事天皇親臨記錄所裁斷卿相及太史外記判事河內守楠

正成伯耆守名和長年等預焉凡聽事一月六日上直分為三番

置武者所以新田氏族為頭人諸國將士悉朝京師以參議足利

尊氏為武藏常陸下總守護相模守足利直義遠江守護左馬助

新田義貞上野播磨守護新田義顯越後守護兵庫助脇屋義助

駿河守護楠正成攝津河內和泉守護名和長年因幡伯耆守護

赤松則村播磨守護尋奪則村職授以佐用莊日本外史七足利

論戰功尊氏為首管武藏常陸下總守護直義管遠江守護時關

東承大亂之後人心未定直義修北條氏舊政招散亡撫瘡痍遠

近歸心焉而京師之政務改其舊徵守護地頭食邑二十分一以

修大內又造交鈔民不便之朝廷臣僚異時為武人所輕侮者至

考十三後醍醐

是競驅役武人武人效力於興復者奉狀冀賞羣聚闕下有司不能甄別月餘乃定十餘人而內敕已以北條氏邑分給於妃藤原氏皇子護良等其餘悉散賜京官內臣歌童舞妓六十餘州無復遺地當是時朝議內旨相為抵牾往往數人同爭一邑許食邑如故者旋被沒收赤松則村授播磨守護已而禿之僅食佐用一莊時有綸旨翻覆之譏諸武人私相語曰如是而不止我輩皆奴虜矣安得戴一將種執天下權尊氏聲望素著眾屬意焉皇子護良為大將軍心深疾尊氏尊氏之初定京師也護良將殿良忠不戢其下尊氏捕十餘人梟之護良怒欲誅尊氏帝不聽護良耽聲色又喜客容多奸豪酬而殺人又私徵兵圖尊氏尊氏得其徵兵書上焉誣以謀反帝乃使人執護良流於鎌倉直義遣兵擊夷之乙至元 建武二年日本史春二月號準三宮權子內親王曰宣政

門院夏六月壬申權大納言藤原公宗謀反使左近衛中將源定平左衛門尉結城親光伯耆守名和長年收之禁於定平宅鞫問秋七月北條時行嘯聚其餘擊作亂族人名越時兼應之時行進攻鎌倉相模守足利直義使刑部大輔澀川義季岩松恆家下野

足患可患者兵部卿宜乘此時除之義博往窺害中護良方焚燭誦經願而蹶起曰女欲殺我耶前奪其刀義博斫其膝踏之跨胸刺吮護良縮頭齧其鋒鋒折拔貳刀刺心二乃絕年二十八義博欲以首示直義見其不瞑而含鋒棄去所侍宮人收葬之將歸奏狀而帝已命尊奉征夷大將軍成良親王而走大江時古奉成良氏東伐時行 奉征夷大將軍成良親王而走大江時古奉成良

親王逃歸京師戊申北條時行入鎌倉八月辛亥藤原公宗伏誅以參議足利尊氏為征東將軍往討北條時行尊氏不辭而發丁巳足利尊氏與北條時行兵戰於橋本大破之戊辰時行戰敗逃竄尊氏入鎌倉越前人瓜生保加賀人敷地上木山岸名等攻名

越時兼於大聖寺斬之日本外史四北條氏明年赤橋茂時僧憲房及本間澀谷規矩田氏等並起皆敗死而泰家自陸奥潛來京師依藤原公宗公宗公經裔與北條氏有舊相俱窺伺朝廷時朝廷失政天下士民皆思北條氏泰家於是蓄髮更名時興時興時壽在信濃亦更名時行約期攻京師事覺公宗被誅時興逃亡不知所終而時行與諏訪賴重招聚黨故旬日得五萬人東攻足利直義於鎌倉走之尊氏自京師來討時行遣名越時基將三萬人逆擊臨發大風破屋時基更下日兼行戰

考十三後醍醐

於橋本後軍多亡者且戰且退阻相模河而陣水方漲時基不備
足利氏夜濟時基大敗與三百人走歸賴重使時行脫走而與四
十餘人剝面自殺足利氏至謂時行既死也時行起兵二旬而敗
世目之曰廿日前代時行之起也名越時兼亦起北國及時行敗
為加賀將遣藏人頭源具光召足利尊氏還京師尊氏不奉詔冬
士所攻滅

十月足利尊氏自署征夷將軍東國管領據鎌倉反以誅新田義
貞為名十一月戊申朔日南至公卿表賀己未以中務卿尊良親

王管領東國賜節刀於左兵衛督新田義貞率兵部少輔脇屋義
助治部大輔宇都宮公綱千葉貞胤肥後守菊池武重左近衛將

監大友貞載鹽冶高貞等奉尊良親王以討足利尊氏義貞由東
海道大智院宮關彈正尹忠房親王權中納言藤原實世修理亮

江田行義左京大夫大館氏明等將五千餘騎由東山道信濃國
司藤原光繼發二千餘騎會之詔義良親王鎮守府將軍源顯家

諸武人奮躍爭起從之至矢矧驛合於直義自海道進與時行兵
七週七捷遂入鎌倉時行兵奔潰詔敘尊氏從二位敘義詮從五
位下義詮于壽也又詔趣其西歸直義說尊氏曰朝廷與義貞皆
將軍關東管領曰帝所許也開府於源賴朝故基賞有功納降附
收新田氏邑在關東者割予將士將士爭附之京師傳言尊氏反
帝使人往調焉而細川和氏齋尊氏劾新田氏書至曰嚮當東藩
之為逆臣尊氏以身為倡首奮臂一戰決勝瞬息義貞舉事於不
得已及聞臣定京畿乃以討賊為名三戰不克纔為守計臣長男
義詮起下野遠邇爭歸義貞憑之以得克賊遂攘其功敢邀重賞
是國之蠹也今臣勞苦於外而內有讒諛之臣是非趙高專秦章
邯降楚之謂乎願得明詔以誅義貞直義密徵諸道兵西國得其檄
其管內者上書告護良遭害狀時直義密徵諸道兵西國得其檄
副焉。日本外史六新田氏尊氏直義官爵遣皇子尊良來討義貞為
邑在關東者以分子將士抗疏罪狀義貞乃上書曰嚮者當
天下大亂乘輿播遷楠正成等豪傑並起相共勤王而足利尊氏
首鼠兩端觀望勝敗自非賊軍失利益不肯降也功微賞多遂冀
非望害臣之忠義欲詭言陷之臣以五月八日起兵上野彼以其
七日佐攻六波羅而曰臣聞京師復乃肯起兵以欺罔天聽其罪
一也臣以五月二十二日率諸軍誅高時而彼之兒子率從士百
餘人以六月三日入鎌倉而曰臣賴其兒子以成功其罪二也彼

考十二後醍醐

在輦下擅誅親王之卒其罪三也征夷之任在兵部卿親王而彼
輒掠其號其罪四也矯稱管領務張威福其罪五也中興之業雖
因天運抑兵部卿之謀策居多而彼百方讒構遂抵流謫其罪六
也陛下心期兵部卿之自艾而彼修私仇辱之牢狴其罪七也直
義乘亂遂傳刃於兵部卿大逆無道其罪八也此八罪者天地所
不容措而不論百敗將隨而至後噬臍無及願陛下照鑒之速下
明詔以誅伐尊氏兄弟廷議疑未決會護良侍婢至奏狀而尊氏
反迹遂暴於天下十一月乃下詔討尊氏徵兵六萬陞授節刀於
道進忠房親王以一軍自山道進王申新田義貞與足利尊氏兵
戰於矢矧走之癸酉細川定禪起兵讚岐應尊氏高松守將舟木
賴重討之不克備前人飽浦信胤田井信高叛據福山城兒島高
德淺山條就討之不克甲戌詔削足利尊氏等官爵越中守護普
門利清叛能登國司近衛中將源定清死之十二月壬午新田義
貞與足利直義戰於手越河原大破之己丑新田義貞進與足利
直義相持箱根脇屋義助大友貞載鹽冶高貞等奉尊良親王與

時重波波伯部爲光中澤玄甫應足利尊氏攻守護碓井盛景盛

景走攝津於是召新田義貞還京足利尊氏躡官軍後西上招誘

諸道兵竝入京師日本外史五補氏土居得能氏二年春藤原

詔誅之夏北條時行等作亂關東攻陷鎌倉帝命尊氏往平之尊

氏遂據鎌倉反帝震怒冬遂詔菊池武重等諸將從新田義貞東

伐尊氏正成與名和長年居守京師直義距箱根之險武重時爲

肥後守以其兵先登仰攻卻敵追北陣山腹諸軍乃繼進而別軍

攻竹下敗退大友貞宗鹽冶高貞叛降足利氏諸軍崩潰武重以

四百騎扶義貞而西赤松則村等並起應尊氏帝賜天馬於使者

召還義貞天馬途斃日本外史六新田氏義貞常掄精兵七千

爲中堅而栗生顯友筱冢伊賀畑時能巨忠景由良具滋長濱顯

寬等十六騎最精悍善擊同其徽號進退與俱義貞至於矢矧

河河東皆足利氏兵義貞召顯寬視津還報曰津有三處然前岸

峻絕敵攢鐵守之不若誘敵使渡而蹙之水也義貞從之賊分兵

左右渡戰且卻終縱萬騎自中渡犯義貞義貞乃以中堅迫擊破

之賊退陣驚坂又進擊破之足利直義以二萬騎來援盛兵手遣

大窘欲削髮出降未果也義貞引降附數萬至伊豆府遲山道軍

者數日賊軍復振凡數十萬人直義出距箱根十二月十二日義
貞令義助奉皇子向竹下而自攻箱根上高覽視將士將士皆奮
戰直義兵沮靡殆不能進先走義助以手兵代之格鬪交還其子義
千人其隸皇子者先進賊軍潰走義治日從騎斬其賊歸獻義助大
治年甫十三與三騎陷賊中撤號被髮與賊偕退義助呼賊兵盜
義治復進索之直及我軍義治日從騎斬其賊歸獻義助大
返戰二賊從之谷高貞等更進高貞等叛降賊亂射官軍義助夜
喜乃退息遣鹽谷高貞等更進高貞等叛降賊亂射官軍義助夜
退欲合於義貞將軍捷也乃巡視我諸營帷幕儼在而無復一人走
義陣中傳呼義貞將軍捷也乃巡視我諸營帷幕儼在而無復一人走
告之義貞將軍捷也乃巡視我諸營帷幕儼在而無復一人走
下山而西兵塵五百人聞尊氏兵數十萬充物伊豆府栗生顯友
後冢伊賀據鞍顧眾曰一騎當千諸君之謂矣乃先眾而前賊爭
薄義貞伊賀龍河造浮橋濟軍軍悉濟義貞乃與義昌行收散兵得
二千人至天龍河造浮橋濟軍軍悉濟義貞乃與義昌行收散兵得
潛絕其絕僕牽馬前輒陷義昌曰誰援之者顯友重鎧沒水兩手
提人馬達前岸時橋陷丈餘義貞昌相擊而跳既濟或議撤橋
沮追兵義貞曰我且為之彼密不能為哉存橋而去屯矢矧驛兵
多道亡宇都宮公綱勸其退阻洲股義貞從之朝廷亦以近畿皆
叛四窺京師急召還義貞乃還京師部署諸將自以萬人守山崎江
大渡義助與權中納言藤原公泰僧文觀等以七千人守山崎江
田行義以五千備應援○日本外史七足利氏上當是時諸國兵
士地關東者與歸京師者東西傍午道諸國如織直義以下將校盡

徵兵也一者非尊氏所為計尊氏終不能西向關弓矣作色而入諸
將愕胎居二日有來告曰義貞至三河矣上杉憲房其子憲顯細
川和氏其族賴春等並謂直義曰將軍所言非無理也然天下武
士翹足思亂一聞將軍起則雲合景附矣將軍豈不辨禍福乎今
曠日彌久使敵過要害悔莫及焉直義乃使諸將先發再戰皆敗
直義自以二萬騎赴援亦敗十二月諸將還詣尊氏第方止之切
眾亂敵之一人出曰將軍逃建長寺欲削髮我曹百方止之切
髻而未剔也將士大沮憲房義子重能偽作官檄十餘紙曰尊氏
族類罪惡深重雖遁世晦迹而勿得有釋直義持至建長寺泣曰
獲之敵死尸中尊氏熟視太息曰誠如是呼則吾亦當從諸君執
切髻以亂其狀將逃降者四面來還一日號三十萬直義先將六
萬拒義貞於箱根東軍稍卻尊氏聞之以十八萬騎繼進曰拒其
面不若出其背引兵出竹下竹下官軍呼謀而進赤松貞範等為
我先鋒望其陣曰是京兵耳乃聯鋒馳下官軍敗走尊氏追北至
伊豆府義貞西走乃使義詮守鎌倉而合軍追躡之京畿震駭帝
遽榜朝堂能拒賊者
有重賞莫復應者

延元元年日本史春正月甲寅延麻寺僧徒拒足利尊氏於
伊岐洲大敗使左兵衛督新田義貞守大渡權大納言藤原公泰

兵部少輔脇屋義助守山崎河內守楠正成守宇治參議源忠顯
 伯耆守名和長年左衛門尉結城親光等守勢多權大納言藤原
 師基守峯堂乙卯久下時重等攻峯堂師基敗走時重等進據大
 江山丙辰兵部大輔江田行義擊久下時重等走之尊氏攻大渡
 不克丁巳細川定禪赤松範資攻山崎官軍敗退宇都宮公綱大
 友氏秦降於足利尊氏新田義貞退還京師天皇奉神器及法皇
 如延麻寺御大宮彼岸所細川定禪陷京師放火燒宮闕戊午足
 利尊氏入京師結城親光欲刺尊氏不克死之尊氏遣細川定禪
 據園城寺日本外史五楠氏附土居得能氏延元元年正月尊氏直義入犯京師正成以兵五千守宇治名和長年與源忠顯結城親光以二千守勢多皆受制於新田氏新田氏先失大渡山崎之守尊氏乃入京師結城親光伴降欲刺尊氏不成而死帝幸叡山正成聞之徑赴行在名和長年欲一視宮闕而行還入京師賊軍填塞長年十七戰而至大內則諸殿已為賊軍所毀長年下馬拘關狀立入之終赴行在信濃人殺使河原某在大渡未贊相守之言神贊又受詔以舟七百艘渡河迎進北條氏兵入揚
 庚申鎮守府將軍源顯家奉義良親王尾足利尊氏至近江攻佐
 佐木氏賴觀音寺城拔之辛酉顯家至坂本官軍大振壬戌源顯
 家新田義貞攻園城寺千葉宗胤戰死官軍繼進縱火細川定禪
 敗走將與足利尊氏軍合義貞追擊又破之癸亥進與尊氏戰尊
 氏潰走其夜義貞為定禪所襲引軍還坂本尊氏又入京師丁卯
 大智院宮彈正尹忠房親王權中納言藤原實世信濃國司藤原
 光繼等師二萬自東山道還至坂本甲戌藤原實世源顯家新田
 義貞楠正成名和長年前上野介結城宗廣等擊足利尊氏走之
 丁丑晦官軍又與尊氏戰於京師尊氏大敗遂西走收復京師車
 駕還御成就護國院日本外史五楠氏附北畠氏北畠氏姓源出於具平親王世為名卿及元弘時有顯家馬
帝復位以從三位參議拜陸奧守與父親房奉義良親王出鎮東邊結城宗廣世居陸奧與其子親光先歸官軍於是受命副顯家

顯家年甫十七固辭乃詔曰文武不可岐貴戚掌軍古之制也顯
 家赴任東邊無虞尋任鎮守府將軍及帝討足利尊氏詔顯家會
 軍顯家至鎌倉則尊氏業已西矣顯家並程追之斬首五百級遂
 至叡山諸將因會議戰或欲速襲之正成等然之即夜顯家與諸
 將攻破園城寺新田義貞遂復京師凡數十萬人而官軍不滿十
 復入當是時諸道賊軍悉聚京師萬正成將五百騎軍於糺林
 諸將分將是時復攻京師兵各可二萬正成將五百騎軍於糺
 火於出雲路尊氏令上杉憲顯足利高經等以東國騎兵五萬來
 衝擊之正成豫造楯數百鈕而聯之自蔽以射賊卻輒縱騎乘之
 賊辟易逃走顯家義貞遂擊而走尊氏而日暮義貞欲留陳京中
 懲前日之敗使敵復振後難為力也我且引還養銳再舉以驅敵
 於數百里外是全勝之策也義貞然之乃皆退陣坂本尊氏收諸
 軍復入京師正成素蓄一卒善泣者旦日教其卒與僧數人行物
 色原隰賊兵問故輒泣曰昨日之戰七將皆沒將獲尸葬之尊氏
 聞而大喜曰彼戰勝而退有以也乃索義貞正成首獲稍肖者梟
 之以示於眾其夜正成遣卒數千執炬北走纍纍不絕尊氏軍望
 見謂官軍喪其將領而潰去也急分其兵四出要擊在者不復設
 備正成與諸將合兵夜發昧爽直薄尊氏軍縱火鼓譟尊氏軍大
 潰而走委甲蔽野官兵不甚追賊前尊氏願後者以為追兵也往
 自殺死於火半日日本外史六新田氏延元正月行義擊丹
 後賊兵於堂走之而尊氏已將數十萬兵大渡義貞擊丹
 行斷皆溺尊氏遂休戰不進已而賊兵二萬來攻山崎公泰文觀
 隸士爭降賊賊即入義貞川定禪將兵六萬尾之義顯以三千騎
 與俱奉帝於叡山賊久之度義貞已至禪將兵六萬尾之義顯以
 不告而返射戰久之度義貞已至禪將兵六萬尾之義顯以三千騎
 宮公綱新降在賊中識義顯欲必獲之遂與義貞合創數
 十流血淋漓還至紫宸殿前帝親臨勞之遂與義貞合創數
 輿赴叡山細川定禪來據園城寺相持未戰會陸奧守源顯家入
 援新田氏族在東國者相率從之休馬而後戰氏明曰我馬遠來
 攻拔一城遂來會於義貞顯家欲休馬而後戰氏明曰我馬遠來
 休則足重不可輒用不若今夜直襲園城寺出其不意義貞然之
 即夜出兵唐崎黎明與諸將騎六萬圍園城寺賊自門中叢槍
 拒之巨忠景奪其千餘槍顯家乃退義貞亦欲收兵舟田經政扣
 火走定禪斬首七千餘級顯家乃退義貞亦欲收兵舟田經政扣
 馬說曰兵利在乘勢賊兵一敗即率二萬騎追之遇險逼擊遇夷遙
 以終獲其渠魁也義貞曰然即率二萬騎追之遇險逼擊遇夷遙
 射賊不得返戰伏尸狼藉餘眾走歸京師合於尊氏義貞進上
 華當眾不可徒戰而勝乃合我兵略相識面者每五十為伍卷旗
 撤號為敗卒狀混入彼軍待戰而起部二千騎遣之已而兩軍接
 戰六十餘合我軍每勝以刺至日暮所遣二千騎在賊軍中揚旗並
 起賊軍大驚擾亂自相擊刺遂大潰奔我軍乘勝追之短兵急接
 尊氏迫蹙欲自刃者三義貞自桂河還陣京師其兵四散鹵掠在

者亦疲賊軍返襲不支而退舟田義昌等戰死之會山道兵失戰
期者還至諸將復議戰夜下山陣旦日楠正成源顯家分路進戰
尊氏親與顯家戰於四條義貞助建旗五十旒橫擊之馳出其
背賊軍呼曰中黑至矣輒崩駭義貞獨變服入賊中索尊氏不獲
分兵追之曰暮乃退還軍坂下誘尊氏還京師而聞日襲擊之尊
氏大敗走攝津義貞率諸將追擊又大敗之尊氏狼狽航海諸軍
爭舟而溺者數千人委棄鎧仗海濱。日本外史七足利氏上延
元氏禰等與赤松細川和氏從弟定禪顯氏並在讚岐徇下南海至
是定禪等而下山陽細川和氏從弟定禪顯氏聞之遣貞範助破之
義貞願而敗走奉乘輿據叡山尊氏乃入京師範資貞範皆則村
子也於是尊氏誘圍城寺下之遣定禪據馬以逼叡山會北畠顯
家舉陸奧兵入援行在定禪連請益兵尊氏曰聞義貞喜平地騎戰
敗還義貞追至陣於東山尊氏指語將士曰聞義貞喜平地騎戰
今負山不出者意其兵寡使我軍遂亂走及日暮敵亦引去細川
尊氏乃親進會敵兵繼入我軍遂亂走及日暮敵亦引去細川
定禪謂其兵曰敗由於我欲一雪其恥料敵兵皆疲不備者出
掠可以襲也兵三百夜返縱火其前自後襲之義貞果不備敗
走定禪追擊獲其將領數十人尊氏復入京師已而官軍復來攻
我軍不利陸奧兵二萬騎火栗田口而來尊氏望之曰彼其北畠
氏也吾自當之進鬪於四條義貞軍大至我軍顧之遂敗走止職
於桂河慶其一隊官軍乃引還謬聞義貞等死其兵逃走也分兵
要之官軍乘虛來

義貞楠正成追足利尊氏至攝津與足利直義戰於豐島破走之

先是正成遣族人左近衛將監正家於常陸徇郡邑是日與尊氏

別將佐竹義冬戰於久慈西斬之甲申義貞破直義於湊川戊子

義貞破細川和氏等於瀨川庚寅足利尊氏足利直義走筑紫源

顯家新田義貞等振旅還京師日本外史五楠氏附北畠氏二月

直義戰於豐島勝敗未決正成後至繞出敵後直義不戰而走會
土居通治得能通言以舟師來援擊破賊先鋒大友貞宗兵復擊
走直義尊氏終令赤松則村守播磨而航海走鎮西。日本外史
七足利氏上二月尊氏赴兵庫熊野道有者在軍中與廢主臣僚
相識尊氏召而謂之曰吾之數敗非戰之罪也以吾負賊名焉爾
吾始欲擁立一皇肩以其悉在叡山不可如何吾意廢帝抑鬱不
得志久矣汝安為我得其詔旨吾將使兩主爭位以成吾事也道
有諾而去赤松則村請尊氏入保摩耶城或曰是失天下之望也
今見兵猶足以取京師乃屬兵於直義東上戰於豐島敗還會大
友貞宗大內弘世等以兵艦來援擊官軍於湊川又大敗則村
又說尊氏曰師不可用公宜留諸將於中國及南海而身赴鎮西
以圖再舉尊氏從之與書則村呼之為父以深結納之於是尊氏

考十三後醍醐

臣

與直義乘貞宗舟而西諸將士多降義貞貞頗驕怠耽溺女色不復窮追尊氏尊氏得達赤間關○日本外史六新田氏二月乘輿還關義貞振旅而還詔遷義貞左近衛中將義助右衛門佐時新附兵萬餘嚮用足利氏旗號重畫者皆墨抹其中為中黑淡濃可辨京師傳以為笑已而足利氏保聚西土勢復大振赤松則村石橋和義及菅某等並起應之丙午改元以義

良親王為陸奧太守源顯家為鎮守府大將軍與結城宗廣奉以歸鎮少貳貞經叛菊池武敏討克之是月仁木賴章據高山寺城

赤松則村據白旗峯美作人菅江見弘戶諸族據奈義能仙菩提寺等城備前人石橋和義據甲斐川三石等城備中人莊眞壁氏

等據勢山叛三月己酉菊池武敏攻足利尊氏於多多良濱不克阿蘇大宮司宇治惟直筑前權守秋月種道死之日本外史五楠

池武敏武重弟也時在肥後聞少貳賴尚發兵迎尊氏也將三千人追之至水木渡賴尚已濟餘眾待舟武敏擊殲之遂攻少貳貞經於內山斬之遂與尊氏戰於翰濱有叛降者武敏敗歸菊池城城尋陷武敏逃匿山中於是九國悉附尊氏日本外史七足利氏上三月菊池武敏起兵應官軍攻殺少貳貞經貞經遺屬其子

會武敏來攻尊氏上香椿以望其軍可四五萬騎而屬我兵僅五百人鎧馬不具日吾死矣乃進陣赤坂遣直義先進賴尚曰彼鬪士不過三百其餘聞將軍至皆將降也進戰於翰濱仁木義長

細川顯氏等奮搏敵兵刺鎧奪馬而進會北風起沙石皆走敵兵沮卻直義憑風縱擊追至博多武敏以全軍返戰直義自慮不支馳使尊氏截衣袖遺之為訣曰公亟走長門直義將留死於此尊

氏得報曰吾弟如死吾何生為親將赴援松浦氏神田氏謂大兵至矣舉其眾來降合擊大破武敏軍追至太宰府於是聞貞經定死尊氏直義為之舉哀尊氏乃遣一色賴行仁木義長攻陷菊池

八代諸城鎮西皆服而中國南海諸將又並起應之義長兄賴辛章與久下時重等據丹波赤松則村據播磨石橋和義據備前

亥詔左近衛中將新田義貞管領山陽山陰十六國往討足利尊氏義貞會疾江田行義及左馬助大館氏明先發癸丑江田行義

等與赤松則村兵戰於播磨室山敗之癸亥結城宗廣與相馬光胤戰於陸奧熊野堂不利己巳修理亮廣橋經泰攻相馬光胤小

高城不克是月新田義貞發京師圍赤松則村於白旗城遣右衛門佐脇屋義助略定山陽道夏四月戊寅號準三宮璜子內親王

日章德門院壬午本院崩甲申葬後伏見天皇甲午備後守兒島
範長及子高德舉兵於備前熊山與脇屋義助約攻船坂拔之義
助進圍三石城江田行義進圍奈義能仙菩提寺三城式部大輔
大江田氏經進據福山城甲辰足利尊氏率兵東上五月辛酉足
利直義陷福山城大江田氏經退走癸亥脇屋義助解三石圍乙
丑兒島範長與赤松則村兵戰於播磨死之戊辰新田義貞解白
旗圍退屯兵庫日本外史五楠氏附北畠氏尊氏之西也正成欲
旗城固不拔義貞弟義助說之曰嚮楠氏據金剛山北條氏舉
天下兵攻之不克竭力一城而願失天下君盍監焉聞尊氏已并
九國且東上君宜分兵圍城而急拔舟阪以徇山陽義貞乃令義
助攻舟阪舟阪賊兵據險不下初尊氏犯關山陽皆應之獨兒島
高德以孤軍攻福山城不克其兵連叛乃逃三石山及聞義助攻
舟阪則喜遣間使告曰三石之南有間道可以出舟阪之背吾起
兵於熊山使賊分兵公則一軍由間道夾攻之必拔舟阪舟拔
則西國無不服者矣義助大喜與約期先期一夜高德與父範長
上熊山倉卒不及聚族人兵僅二百天明舟阪賊果分三千人七
有眾莫所用之尊氏乃大舉東上水陸並進福山城陷義助引兵
退菊池武重殿之賊舟師上陸陣西川尻高德聞之欲合於義助
踰山而東創劇範長託之僧寺以八十餘人東走會義貞已釋白
旗圍赤松氏兵三百騎見範長過呼曰敗卒盍釋甲降範長笑曰
嚮尊氏百方招我我輒毀其書投火今曷降汝輩哉潰其陣出賊
傳呼敗卒過土兵羣起範長悉亡其兵所餘者六人曰悔我不舉
族來乃伏刃死賊軍乘勝而進義貞軍兵庫飛書告急朝廷震動
○日本外史六新田氏三月詔義貞管領山陽山陰十六國西伐
會疾遣江田行義大館氏明將二萬騎先發遇赤松則村兵於
書寫山下擊走之義貞疾愈將五萬騎出次鹿子河並降附萬人
進至班鳩驛且攻則村白旗城壁未成則村請降義貞喜為請
於朝比朝旨至壁成則村乃不降義貞大怒曰吾寧禽之而後前
行合軍圍之城險不下義助諫之乃分二萬人附義助進攻石橋
和義和義據三石拒舟阪義助得兒島高德鄉導乃畱一軍於舟
阪而一軍銜枚縛馬舌自間道出舟阪之背賊顧而驚駭義助夾
擊拔舟阪遂攻三石城遣江田行義攻菅氏善提城遣大井田經
隆孫氏經以二千人進據福山城城未修而尊氏直義舉九國兵
而來城兵欲避之氏經不肯五月直義將兵數萬圍之氏經出擊
潰圍東走合於義助義助馳使告義貞義貞將兵數萬圍之氏經
捍陸者則海者直犯關矣吾欲退屯兵庫合捍海陸於是白旗三
石菩提寺三城圍皆解義貞先至鹿子河河水漲眾以敵逼於後
請將帥先濟義貞曰敵來則背水決戰吾殿而濟耳乃令創病者
先濟明日水減而義助行義亦至遂濟至兵庫則其兵亡者過半

考十三後醍醐

三

日本外史七足利氏上於是義貞攻則村白旗城壁未成則
村詐遺之書曰元弘之初臣數挫強賊而賞出於降虜下故背此
嚮彼豈其志也願得州守護以圖報效義貞喜為請詔旨往反旬
餘詔至而壁成則村還詔書不受曰守護已獲之於將軍矣何以
此翻覆綸旨為義貞大志合兵六萬圍則村使弟義助攻石橋和
義和義則村皆堅守不下遣使告急於尊氏五月尊氏使賴行義
長守鎮西而率諸軍發太宰府至嚴島會僧賢俊奉廢帝書至尊
氏大喜令諸將立錦旗遠近競附兵艦凡七千餘艘進至鞆津以
貞遠釋圍而走備前丹波美作官軍望風解去 詔楠正成赴援
已巳源顯家討相馬光胤斬之庚午新田義貞與足利尊氏戰於

兵庫不利河內守楠正成死之 日本外史五楠氏附北畠氏時北

成往援義貞正成奏曰尊氏新舉九國而來其鋒甚銳我疲兵
格鬪無它奇道其敗必矣為今計者陛下復幸叡山召還義貞繼
賊入京師而臣歸河內絕其糧道則賊兵日散我兵日聚於是
而攻之可一戰而破也義貞之計蓋亦出此顧慮人言耳戰道非
一要歸於勝願朝廷再計之諸公卿皆然之獨參議藤原清忠不
可曰賊雖眾甚不過於前役王師有天命宜防之外也帝從之正
成退謂其子弟曰事已至此何必抗議五月十六日與弟正季子
正行等辭闕而西至櫻井驛正行時年十一矣正成遣之歸河內
誠之曰汝雖幼已過十歲猶能記吾言今日之役天下安危所決

人存者則率以守金剛山舊址以身殉國有死無它汝所以報我
莫大於此因以帝所賞賜寶刀授之訣別正行請從共死正成叱
之起正行揮涕而去正成乃至兵庫慰勉義貞訣飲終夜當是時
尊氏將水軍直義貞將陸軍稱五十萬正成率手兵七百陣於
湊川以當之義貞以三萬騎陣於和田崎以捍水軍水軍先鋒過
而東義貞拔軍循之而尊氏全軍已上和田崎矣正成復謂正季
曰我腹背受敵不可遁也先破前者而後接背者如何正季曰然
於是兄弟並突入陸軍七離七遭欲獲直義馬傷而墮我兵
垂及有一敵將遮闕而逸之尊氏亦分兵來援包我軍後正成兄
弟回馬當之血戰十六合盡亡其騎所餘七十三騎猶可以潰圍
而正成心不欲生乃走入湊川北民舍坐釋鎧身被十一創願謂
正季曰死而何為曰願七生人間以殺國賊正成欣然曰是獲吾
心耦刺而死正成年四十三宗族十六人從士五十餘人悉死之
菊池武重在義貞軍使弟武吉來視湊川戰狀會正成且死不忍
去亦死之義貞敗退尊氏入京師送正成首於河內一家聚哭而
行起入室其母尾而闕之則執父所授刀將自殺母徑入奪刀而
泣曰汝何惑焉乃父之遺歸汝豈教汝自殺也女銜遺命歸來告
我而女先忘之惡能任王事正行大悟自是為斬首狀曰獲尊氏元
志嘗與兒童嬉戲為馳逐狀曰追足利也為斬首狀曰獲尊氏元
也楠氏族黨多死湊川而河內紀伊之間猶有義故存者皆思戴
正行曰日本外史六新田氏帝遣楠正成來援義貞迎問曰朝議
如何曰吾欲召還公奉駕叡山不聽也義貞曰驪敗卒當銳師吾
知其必敗耳願去歲敗於關東今復未拔一城何以復命吾故欲

日本外史七後醍醐

三

決一死戰正成日進退從宜是謂良將公且徐計之且前殪高時
後攘尊氏公武多矣眾言何足恤哉義貞色釋曰日尊氏兵艦蔽
海而至而直義來自須磨旌旗彌天義貞令正成拒直義令義助
氏明拒尊氏而自居其後相持未戰我軍有一騎挾弓立岸呼曰
將軍西來必載津妓置酒高會請進一物佐酒注箭而發適有鵝
攫魚而舉乃馳而射之斷其隻翼墮敵舟中兩軍謹呼尊氏使人
問其名荅曰東人或識請投刺焉復發一箭軼三百步貫舳舻尊
氏視其箭彫於苛曰相模人本間資氏敵中傳觀資氏揚扇呼曰
方今戰國一矢可愛願見返賜賊中有荅射者箭不達岸我軍齊
笑射者慙憤以三百人上岸義助擊殲之賊先鋒七百艘過而東
將自西宮上新田氏軍三萬欲先往拒之循岸而馳騎者如走舟
者如追而兵庫無人矣賊後隊六千艘盡上兵庫補正成戰沒乃
與其陸軍合以躡義貞義貞曰吾觀西宮旗幟支賊耳自兵庫來
者乃其渠魁吾所願擊乃還背生田林而陣迎戰終不利走義貞
自殿數返擊馬殪而徒上丘待救敵環射之義貞揮二刀截十六
箭小山田高家望見還救授其馬而雷死初高家從軍刈民麥法
當斬義貞使人視其營則鎧馬鮮而無粒粟義貞曰吾罪也士不
可亡法不可亂乃為償田主而賜粟於高家高家感愧故死之義
貞因得脫自丹波以殘兵六千歸京師上下失色天子復幸叡山
○日本外史七足利氏上尊氏至室津赤松則村出圍迎謁收敵
所遺旗幟百餘於城下以獻尊氏視其旗號多故部屬曰避害焉
耳今將來歸已而來降者果多而陸軍亦會夾擊楠氏兵於兵庫
廬之合軍擊義貞義貞走歸復奉乘輿據叡山法皇廢帝廢氏
京師六月丙子足利尊氏遣直義犯延麻寺丁丑足利尊氏迎法
皇廢主豐仁親王遷於男山辛巳足利尊氏兵犯西坂新田義貞
宇都宮公綱拒破之參議源忠顯近衛少將藤原雅忠死之壬午
足利尊氏兵犯東坂脇屋義助名和長年等拒破之戊子足利尊
氏奉法皇廢主豐仁親王移營於東寺辛卯足利尊氏兵犯西坂
諸將拒破之壬辰延麻寺僧光澄叛導賊登山官軍擊而殲之甲
午諸將擊破尊氏兵虜其將高師重斬之足利直義退營於京師
甲辰晦新田義貞與足利尊氏戰於京師不利伯耆守名和長年
死之日本外史五楠氏附北畠氏當是時天子避賊於叡山名和
菊池土居得能氏皆從義貞捍禦源忠顯戰歿官軍遂出攻
京師路人指名和長年曰正成忠顯等既死獨有此人及戰大敗
長年退至大宮巷自閉後門與二百人力戰死○日本外史六新
田氏六月尊氏入京師使高師重等來攻分陣三百餘所義貞義
助以諸將拒東坂使公卿僧徒守西坂賊乃先攻西坂二卿戰死

僧徒力不支告急於義貞義貞與紀清兩黨赴援擠賊於谷殺數千人因陣於大嶽賊又攻東阪義助擊卻之賊更欲攻西阪以熊野兵五百為前鋒皆被黑甲自雲母阪上本開資氏相馬忠重在義貞側瞰而笑曰今日之事不復煩諸君下百餘步相命各射一賊貫甲穿胄賊不敢前二人相戒勿射月乃發兩箭挾月乃解箭鼓習射我軍植畫月扇二人相戒勿射月乃發兩箭挾月乃解箭鼓弦自名於敵曰盍受吾箭試甲堅脆賊懼不戰而卻會山徒光澄叛夜啟賊兵紀清兩黨覺而磨之初我軍約有急撞鐘相報一日有羣猿撞鐘諸營皆警賊兵以爲官軍下擊乃大騷官軍遂開諸門一時並下縱火賊營擊大走之生擒高師重義貞付山僧斬梟其首賊兵四潰既而又聚官軍猶謂賊兵寡也出攻之尊氏挾光嚴帝據東寺爲城出兵京師要擊官軍官軍敗還○日本外史七足利氏上六月遣軍仰攻叡山不利義貞追入京師尊氏伏兵於街巷而出贏兵且戰且卻誘敵入京中伏起大戰義貞敗走又聞義貞計夾攻也乃遣兵邀擊走之義貞誘興福寺僧徒令畿內南海兵絕我糧道乃遣細川定禪今川範國擊走南海兵秋七月乙酉前權大納言藤原師基率北國兵至延麻寺官軍又振壬子藤原師基及新田義貞進戰不利辛酉延麻寺僧徒牒興福寺戮力討賊興福寺應之遣權中納言藤原隆資於男山絕川尻路遣近衛中將原正平於麻寺僧色大和路頭日爲調集兵擡勢第王戊詔延麻寺永領近江國衙增進七社九院封戶賜僧徒輸軍糧者八百餘人邑丁卯命藤原隆資新田義貞進軍天皇親臨勞慰剪所御紅袴以頒賜將士隆資義貞剋期分道並進隆資差誤先進大敗義貞血戰遂不利諸路軍並引還日本外史六新田氏七千入援諸將議曰前日之戰取路京中所以敗也不若由內野噴二道赴之已而有叛者泄其議尊氏乃以大兵邀擊焉官軍復敗還天子乃賜邑於叡山僧徒以獎激之令招南都南都輒應之畿內兵聞之所在相聚各請將帥四塞糧道賊窮困至粥鐵馬遂大出鹵掠義貞於是議出戰遣四國兵列炬於阿彌陀峯約諸將帥齊進天子親臨勞軍所御紅裳分賜之以爲笠識義貞臨發白曰勝敗天也不可逆睹今日之戰所不送箭尊氏營者毋復生還矣已而北河失火藤原隆資以爲戰合也先期自入幡入敗走南都兵亦失期不至義貞以二萬騎行破賊軍終抵東寺執弓注矢呼尊氏語之曰天下擾亂久矣雖曰皇統之爭亦由公與義貞而已與其爲一身苦萬民寧各以單騎決鬪決雌雄請送一箭箭破門樓入尊氏帳中尊氏不出時諸公卿軍及四國兵皆爲賊所破賊兵悉萃於義貞義貞返擊奮戰破之至五條賊復四合義貞額中流矢流血被面乃令其騎皆西其馬首欲決死紅笠識者八

考一三後編

百騎來救之擁義貞潰圍歸山門於是諸將帥皆棄守走歸。日
本外史七足利氏上七月義貞以數不得志計四面來攻藤原隆
資先至攻南門我兵盡北出拒義貞獨高師直與弟師泰在焉出
戰而敗敵焚門樓城內惶擾尊氏方誦經自若土岐賴氏侍坐曰
惡源太如在於拒之何有惡源太其子賴直也適賴直入見賴氏
喜問曰北面之戰未乎曰不知也適在三條望東寺煙揚乃還耳
師直曰敵至南門煩公出拒賴直諾而出尊氏呼返之賜之寶刀
賴直拜而受之自北門出於敵左下馬而射敵兵亂潰乃上馬騎
而馳之手斫六人師直等復出援擊遂走陸資而義貞已至北門
請與尊氏各獨身決鬪尊氏奮然起曰亟開門吾非敢敵官家獨
欲與義貞決耳上杉重能諫曰彼窮而出於此將軍何自輕也會
土岐賴遠破大宮敵乘勝踵義貞軍後義貞大敗傷其左肩走歸
山叡八月戊子足利尊氏以豐仁親王稱帝於京師是為光明院用
建武號九月庚申先是興福寺僧徒叛足利高經絕北陸道小笠
原貞宗屯野路篠原並扼延麻寺餉道官軍大困於是延麻寺僧
徒攻小笠原貞宗丙寅復攻之並不利佐木高氏至近江梗延
麻寺糧運壬申晦脇屋義助討之不克冬十月足利尊氏上書請

擊高氏敗歸我軍多逃亡尊氏伴乞降請帝歸闕密使人致款帝
信而聽之尊氏又陰招諸將將多應之十月左衛門督藤原實
世使人來告義貞營曰尊氏納款車駕赴其營公知之乎義貞時
延見將士得報不信曰尊氏固怪之請往調焉馳至行在則乘輿方
駕矣貞滿揖進攀其轅泣曰臣聞道路之說未信否今乃信矣
不審義貞有何罪而陛下乃回其聖眷以庇反賊耶當元弘初義
貞奉辭伐罪殪元兇於旬日以除宸憂雖古忠臣恐不能過自尊
氏反以來又舉族勤王為陛下除害萬死宗族死義者八千餘人
而賊勢滋熾王師失利者豈盡戰之罪哉蓋天未眷聖德焉耳今
日西駕之轅竟不可還乎則召義貞以下族屬見在者五十餘人
賜死於御前然後發帝無然頃焉義貞與義助義顯率三千餘人
列階下色慍而禮恭上前義貞兄弟慰諭之曰當尊氏反卿為其
同宗乃挺歸義支傾扶廢終始不渝朕深嘉之欲仗卿宗族以鎮
平四海天運未會兵疲勢蹙是以權講和議以待時焉耳本宜謀
及而慮於漏泄欲臨期相告顧貞滿未之察也然由其言亦有所
省朕聞越前地方多歸順者又有前所遣將士卿宜赴彼經略北
陸以圖恢復以朕還京師恐卿得賊名今特以太子相附卿視之
猶朕軍國之事無小大當由卿處分朕已為卿忍恥卿亦為朕努
力言畢垂淚將士皆泣莫能仰視於是遂令義貞奉皇太子赴越
前義貞即夜造日吉祠納寶刀禱曰神鑒吾忠義使吾行無恙得
發兵滅賊即不得然猶使子孫有再起者明日奉東宮及皇子尊

考三後

良北行舉族從之獨大館氏明江田行義及宇都宮公綱本間資
氏等從乘輿入京師尊氏囚帝及從者殺資氏以報兵庫雲母阪
之役。日本外史七足利氏上足利氏於是議奉廢帝復位眾以
元弘事以為不祥也八月乃立豐仁親王是為光明帝號用建武
後改麻應尊氏為權大納言直義為左馬頭九月議以利昭興福
寺令足利高經以越前兵小笠原貞宗以信濃兵並絕東北糧道
又令佐佐木高氏援貞宗擊新田義助兵走之山門援絕食竭於
是尊氏陰獻誓書焉曰臣初被讒獲罪削髮待命而義貞助假
公義修私怨以至於此陛下苟諒臣志回駕來還則當歸政朝廷
諸廷臣安堵如故帝遽納之義貞聞而弗釋帝使義貞奉太子赴
越前而命駕返關直義將兵迎之乃為新主請劍璽帝傳偽
器乃禡文臣官爵執武臣實帝於華山院請其詔下越前壬午
車駕還京師御華山院足利尊氏置兵監衛奪公卿以下官職拘
諸將士新田義貞與藤原實世等奉皇太子及尊良親王赴北國
尊澄法親王走遠江式部卿懷良親王走吉野藤原隆資走紀伊
藤原師基藤原光繼源定平走河內準大臣源親房走伊勢癸未
皇太子至近江鹽津土居通繩得能通言在後遇敵戰歿千葉貞
時版降私誦繼休才輕重前詔北壯圍氣叱城台奉即虛瑠穢
尊氏請傳神器於新主以新造劍璽鏡授之丙辰新主以成良親
王為其太子是月左近衛少將源顯信起兵伊勢十二月癸巳天
皇夜奉神器出華山院幸吉野刑部大輔大江景繁從之有赤雲
燭路甲午至內山吉水院僧宗信率兵來迎入吉野帶刀楠正行
和田正朝真木定觀三輪西阿恩地牲河志貴湯淺等率兵迎衛
日本外史五楠氏附北畠氏冬尊氏伴降請帝還關菊池武重等
從之皇子宗良走遠江懷良走大和義貞以詔奉皇太子恆良及
尊良親王之北國土居通治得能通言等從之通言與族通繩殿
會大雪至鹽津迷失道適值賊兵將士凍飢不能操兵三百人皆
植刀於地伏之自貫而死通治與諸將守金崎城陷力戰自殺
尊良薨太子被虜入京師帝之還關也尊氏已擁立新帝之弟是
為北朝光明帝請帝傳神器焉帝弗聽尊氏囚帝於花山院殺從
行者僧祐覺等拘執其餘獨三條景繁得侍景繁潛進計逃幸大
和帝夜服婦人衣由壞牆出扶上馬景繁荷神器從夜方黑逢赤
電照路比曉達空生遣景繁諭吉野僧宗信宗信嘗助將軍護良
者於是先眾來迎正行聞而大喜與從弟和田正朝等馳赴之護
駕入吉野河內紀伊將士相踵來衛官軍復振帝思正成死王事

追贈正三位左近衛中將敏正行正四位下為帶刀遂襲父官任
檢非違使左衛門尉兼河內守於是建行宮於吉野號令四方○
日本外史七足利氏上足利高經因併州兵圍義貞於金崎又遣
高師泰助攻之既而帝逃走不知所之內外驚駭尊氏曰是吉祥
善事也使帝猶在監護無期亦不可襲承久元弘之為而今乃如
是豈非善事乎度其必在畿內任其所底而徐圖之可也○日本
外史六新田氏義貞以七千騎至鹽津聞足利高經大兵塞途轉
由木芽嶺行會大雪山士卒凍飢燎弓箭相抱取煖土居得能氏遇
賊兵自殺千葉氏舉其眾叛降於賊義貞行三日纔至敦賀河島
維賴氣比氏治迎入金崎遣義顯助於越後至山崎山崎關自
瓜生保厚待之而高經詐傳詔旨討新田氏檄至保信之閉關自
守其弟僧義鑑來謁曰臣兄愚魯輕信賊計雖然苟曉是非終歸
順耳臣願得擁戴一公子候時乃起義助察其無它遂以其子式
部少輔義治託之而引兵還金崎兵道亡有二百騎會今莊淨慶
聚兵塞道淨慶父嘗屬我軍者義助乃令由良光氏往說之淨慶
答曰臣去就與父異不得沮願得部下一名士以藉口光氏歸
報義顯曰諸君從我至此情同父子寧我代士莫士代我往更告
之弗聽則齊戰死耳光氏往告淨慶不決光氏下馬坐曰將帥
身係天下輕重猶欲以身代吾輩吾其可不致命拔刀將自殺淨
慶感歎遽止之曰吾當罪耳開道跪伏義助義顯撫勞而過其
兵又亡在者僅十六騎而聞敵以三萬騎圍金崎欲衝圍入城眾
難之粟生顯友出策夜使眾解衣帶挂之樹為旗幟狀以張疑兵
武田與一傷右手約木刀於腕顯友亡副刀斫木為槌乘曉薄敵
置酒奏樂以慰藉之 三十五言高野山前其地行

不奉詔是月造行宮於吉野詔新田義貞以北國兵經略京師越

前人瓜生保起兵山推式部大輔脇屋義治為將足利高經分

兵攻之瓜生保擊走之又攻高經新善光寺城拔之足利尊氏幽

成良親王日本外史六新田氏尊氏又遣高師泰等將兵六萬海

陸來攻城負山臨海城兵拒戰日斃千餘人十一月城
兵望見海上有人泗者望城而來至則巨忠景也結詔書於鬚進
之蓋天皇逃於吉野建行宮詔義貞攻京師也義貞等大喜時瓜
生保屬賊軍在城下而其諸弟起山以應義貞保將拔還思得
同志者宇都宮泰藤天野政貞與保鄰營一日有客問二人曰重
畫中黑孰美泰藤曰中黑哉三鱗廢而重畫興代重畫者非中黑
乎三鱗者北條氏徽號也政貞曰然保聞而竊喜寢與二人款因
告其志二人同之時高師泰四設關以符出入保詐請以百五十
人歸邑取菽吏給符如其言保削符改書三百人與泰藤政貞俱
出關入山義鑑及三弟源淋重照皆大喜推義治為將舉旗招
兵兵聚千餘扼守北道師泰聞之遣六千騎來擊保悉焚聚落故
遺湯尾一驛以誘敵敵至宿驛中保與泰藤遣輕兵夜襲敗之聞
足利高經引兵歸國府又要擊破之傍近望風爭附義治義治有
不豫色義鑑曰郎君可喜而憂何也曰思金崎城守之苦焉爾義
鑑泣下泰藤政貞隔牆聞之曰此子有心腸如此吾曹曷可不出

力

丁丑 延元二年日本史春正月庚戌陸奧賊起鎮守府大將軍源

顯家討之不利奉義良親王保伊達郡靈山癸丑伊賀守里見時

成及瓜生保僧義鑑率兵援金崎不克死之二月丙子權中納言

藤原實世左近衛中將新田義貞右衛門佐脇屋義助出金崎城

往杣山招援兵是月足利尊氏拘前參議藤原公量源親光殺前

參議藤原宗兼三月丁未金崎城陷皇太子見執中務卿尊良親

王左近衛中將藤原行房越後守新田義顯大炊助里見時義氣

比氏治氣比齊晴等死之日本外史六新田氏明年正月推里見

二萬逆戰諸將敗走時成爲賊所圍保義鑑挺身赴援其三弟欲

從之義鑑叱曰吾兄弟皆死誰翼式部君者三弟乃止時成保義

鑑皆死餘眾走歸杣山保有老母酌酒獻義治曰兒輩不力乃亡

里見公然使兒輩盡還則妾心云何今二兒致命足慰妾心耳將

士爲之奮激然力不能再舉金崎城中日望杣山援不至已而糧

城城兵大喜日議援金崎而賊兵乘暖來聚至十萬騎杣山兵僅

五百人甲馬不備逗撓二旬金崎食馬盡無可食者賊候知之

四面齊登城兵力竭不能戰外城既破由良具滋長濱顯寬入見

義顯曰事已至此脫東宮而畱死臣等請拒戰君徐爲計率五十

人出割死尸相共食之力拒前門義顯謂皇子尊良曰臣將種不

可不死殿下與臣異勿遠自殘皇子笑曰吾視卿死豈可獨生因

問義顯自殺之方如何義顯曰視臣所爲即拔刀自樹左脇劃至

其右奉刀於皇子而伏皇子取刀血滑不可握握以衣袖自刃而

死藤原行房里見時義武田與一氣比氏治等皆殉死之氣比齊

晴有臂力善泅舟載太子無楫櫓施於舟執之而游游千餘步

至蕪木浦託土人使奉之杣山而歸死於金崎具滋顯寬謂事畢

矣開門冒陣進薄師泰賊認其疲羸觀輒殺之凡城兵八百降者

十二人而已其餘皆死栗生顯友船田經政等四人匿巖穴免焉

太子匿蕪木浦其人叛告之賊賊取太子問義貞兄弟所在太子

給曰昨日殺矣其兵火之賊乃押送太子於尊氏傳義顯首而

壬子中宮崩是夏前治部大輔宇都宮公綱至吉野宗良親王起

兵於遠江井伊城大館氏明起於伊豫兵部大輔江田行義守丹

考十三後醍醐

信

波高山寺城治部大輔金谷經氏守丹生山北條時行遣使奏請

討足利尊氏自贖詔許之日本外史四北條氏延元二年時行遣使詣吉野行在上言曰臣父伏天誅臣

不敢怨所怨者足利尊氏世受恩於臣家而卒背之今又困天子

顯家擊走足利義詮於鎌倉追至美濃與上杉憲顯等戰於青野

原轉戰至和泉及顯家敗終赴行宮任左馬權頭三年從宗良親

王至遠江擊破今川範氏兵於匹馬驛從親王投井伊高顯亦不

知所終○外史氏曰北條氏之於源氏則藤原氏之於王家也皆

不用寸兵尺鐵而篡其國於衽席之上何其易也蓋人情莫不知

親其宗而顧謂不如妻黨之可倚也於是削弱兄弟疏斥親族以

為國也子孫除患害而不悟其自剪伐以資異姓可不哀哉源氏之

成而北條氏之陰謀狡智乃非藤原氏所及也關其骨肉剪其手

足潛收默竊其權而取其實舍其利而操其柄使天下不能議已子

敢自居辭其名而加以周密終使帝王之廢立攝錄之進退盡取決

於己而如己無所關不得已而為之措置是北條氏家法所以能

長持天下權衡焉而至於盡心民事前後武族所罕覩也蓋自知

其悖逆天神所不容憚焉計以此贖之而泰時其最著矣世之

論者於泰時無所間然已余謂承久之事泰時其罪之魁也何哉

使泰時之賢果如所傳乎則既定禍難擁大兵於輦下諸大處分

罪邪是知舊史所稱泰時勸其父詣關納降不聽臨發問遇親征

則何為曰降之否則決前皆史氏為之文過耳不足信也至其立

後嗟峨亦出恩仇之私論者謂之天命正理亦過矣然北條氏

七世其可以人理論者獨有泰時其它如義時輩皆蛇虺鬼蜮又

曷足責歟或傳義時誅深見某者而近其子卒為所殺噫是其或

然也昔平清盛源義仲並稱兵抗上皇皆除讒人而已不敢遂其

幽囚之計也然猶不免誅滅如義時者真無前逆賊而得脫叛名

於世天其假手其臣僕斃之也及其子孫遇新田氏之斧鉞挾其

巢穴殲其醜類天子之網恢恢疏而不漏豈不信哉外史氏曰時宗之

禦元虜保我天子之國足以償父祖之罪矣虜蓋以其所以恫喝

趙宋者來擬於我我卻其使不納未有曲直也及彼以兵來脅剪

屠我邊疆則曲在於彼彼使再來不可不執而戮之折彼凶威定

不為趙宋也其後惟菊池氏之待明庶幾接武足利氏屈膝外嚮

不足言已豐臣氏能不辱國體勝足利氏萬萬然至與明戰張皇

太甚內自困敵雖攻守異勢不及北條氏遠矣北條氏之策守則

土著不煩徵發軍需不擾經費委任將帥不自中掣之其戰則憑

陸誘寇走舸逆戰短兵急接皆可以為後世之法也吾嘗觀鎮西

土人所傳元寇圖卷虜盛以礮臨我而我兵揮刀奮前虜不暇發

焉蓋是時我未有火器相敵吾是以知兵之秋八月丁亥源顯家

勝敗在人不在器我長技自有在為可恃也秋八月丁亥源顯家

奉義良親王率兵西上與足利義詮兵戰利根河破之冬十二月

奉義良親王率兵西上與足利義詮兵戰利根河破之冬十二月

奉義良親王率兵西上與足利義詮兵戰利根河破之冬十二月

奉義良親王率兵西上與足利義詮兵戰利根河破之冬十二月

奉義良親王率兵西上與足利義詮兵戰利根河破之冬十二月

奉義良親王率兵西上與足利義詮兵戰利根河破之冬十二月

甲午左近衛少將宇都宮公綱新田義興北條時行等發兵會源

顯家進攻鎌倉克之足利義詮出走日本外史五楠氏附北畠氏

守者懈逃歸據菊池帝因拜皇子懷良為征西將軍赴菊池大館

氏明亦逃於伊豫土居通治子通卿得能通言子彈正迎而起兵

北畠顯家弟顯信亦起兵於伊勢而顯家討國內叛者據靈山明

年秋顯家欲入援行在得結城宗廣等兵奉義良親王軍白河關

兵來屬者數萬人進與尊氏子義詮相距利根川齋藤實承亂流

先渡全軍繼之水激於西岸賊兵漂溺敗走顯家追北攻義詮於

鎌倉走之日本外史七足利氏上時帝在吉野建行宮焉自是

天下稱京師曰北朝吉野曰南朝義貞復起山高經拒之義貞

少子義興與北畠顯家起兵關東義詮在鎌倉遣細川和氏上杉

憲顯等距利根川敗還冬顯家以十餘萬騎逼鎌倉鎌倉兵可一

萬諸將欲避匿安房上總間義詮時十一歲叱諸將曰勝敗兵之

常也即怖敵不若不將義詮在此委眾而逃天下謂之何我兵雖

寡猶可一戰不免則死免乃避匿尾敵而西與家君夾擊之耳諸

將皆奮分兵為四逆戰不克奉義詮逃匿顯家等西上諸將乃起

尾是冬新田義貞保山與足利高經相持日本外史六新田氏

戰雪恥以為行宮聲援間招聚義故夏大館氏明自京師逃伊豫

江田行義逃丹波金谷經氏逃播磨並起兵義貞次子德壽在上

野聞源顯家西上聚兵應之欲先發攻鎌倉及顯家至合兵攻拔

大聖寺城遣義助及細谷秀國入越前築三岩與高經相持

戊四 延元三年日本史春正月庚辰鎮守府大將軍源顯家發鎌

倉宗良親王熱田大宮司尾張昌能美濃守堀口貞滿塗與顯家

會與土岐賴遠桃井直常等戰於青野原敗之二月庚申源顯家

與高師泰戰於雲津川破之進屯柰良是月源顯家與桃井直常

戰於柰良及四天王寺敗績走河內義良親王宗良親王赴吉野

左近衛中將新田義貞拔越前府城足利高經走保足羽城三月

源顯家出師和泉遣左近衛少將源顯信守男山高師直圍之夏

四月戊寅足利尊氏弑皇太子及成良親王日本外史六新田氏

欲益築城逼敵率百餘騎相地於鯖江遇賊將細川孝基以五百

騎奄至義助擊走之因舉火招援義貞來援高經又以數千騎來

夾水而陣我兵亂流大戰擊破高經高經走保足羽賊望風解走

者三千餘人義貞因據國府事聞京師尊氏直義怒曰太子給我

至此遂 五月丙申新田義貞攻足羽不克丙辰鎮守府大將軍源

顯家檢非違使名和義高與高師直戰於界浦死之日本外史五

氏三年春與宗良親王合兵偕走京師賊兵大起擁後顯家回戰於青野原破之聞尊氏遣高師泰來迎乃轉出伊勢師泰尾擊顯家回戰於雲津川破之至南都結城宗廣曰避敵於行宮不若攘賊於王城顯家從之逢賊兵逆擊顯家敗走乃使兩親王赴行宮自收敗兵軍安倍野五月高師直來襲顯家與二十餘騎衝圍而死名和義高死之宗廣走歸吉野師直遂圍顯信於男山○日本外史七足利氏上明年正月至美濃土岐賴遠桃井直常與顯家戰復不克顯家焚掠而進京師諸將議拒宇治勢多高師泰曰自古未有拒於此而克者也何者攻者勢伸於千里之外拒者力縮於咫尺之內焉爾不若邀擊之畿外尊氏曰善附師泰以萬人赴美濃背黑血川而陣顯家避之取路伊勢二月師泰追擊之雲津破之顯家入南都將攻京師高師直薦桃井直常往擊直常與兄直信受命即發奮擊走顯家顯家弟顯信收敗軍據男山諸將視直常在和泉慮其與楠氏合也

男山是夏手詔促新田義貞救男山義貞遣脇屋義助率兵赴援秋七月丙申彈正少弼大井田氏經等破普門利清於越中富樫高派於知瀨家匪與斯田義貞直走泊清水唐幸

助至敦賀聞男山陷班師日本外史五楠氏附北畠氏顯信善拒

而糧竭潰圍走河內帝初遣廷臣將兵救顯信又詔北國將士援之義貞欲驟赴援兒島高德從在軍中說曰前日之敗以賊絕我糧道今無若遣數千人據叡山取糧北陸而時出擾京師是深根固蒂之策也請遺書山徒焉義貞從之山徒肯之義貞遣義助赴德壽從顯家至美濃堀口貞滿亦附之皆願與義貞合軍以入京師而顯家欲獨專其功遂引兵回出南都時叡山僧徒又多望義貞來而義貞欲必拔足拜而後西是時顯家敗死和泉其弟顯信與德壽等據男山帝手書諭義貞援男山時大井田氏經等發越後兵擊破普門富樫二氏七月進至越前義貞併其兵將攻高經而詔書適至義貞感奮曰自有源平氏未聞得天子親書詔者也因欲直赴援用兒島高德策自以兵三千備高經以二萬附義助至敦賀聞男山陷引還

閏月甲子左近衛中將新田義貞攻藤島

死之癸酉脇屋義助收兵保越前府日本外史七足利氏上五月

高經相持使義助以二萬騎赴山門七月尊氏急召還師直與夜遣謀燒男山積聚顯信遂棄守走義助望火退去於是義貞助合三萬騎攻高經足利城兵不滿三百高經曰守不可克走不可達守而死焉城主朝倉廣景贊之乃修塹壘屬之藤島平

泉僧徒來告曰：叡山與我爭藤島，今公附之於我，則願效力焉。高經許之，新田氏兵攻藤島，僧兵力拒，高經使其細川孝基、鹿草公相以三百人救之，途與敵兵遇，蔽楯亂射，斃其一將，氏家重國持其首歸，高經視之曰：「何肖左中將之酷也！」果然，則左眉當有箭瘢，命洗面，瘞觀驗其尸，齋帝詔書驗其刀鏤曰：「鬼切鬼丸，乃知其義貞也。」收尸葬之，獻首於尊氏，徇梟獄門北朝，於是陸尊氏正二位，任征夷大將軍。○日本外史六：新田氏高經誘平泉寺僧兵修藤島，以下七寨守之，義貞在河合城，夢己為龍，臥地，高經駭走，眾以為吉，夢或曰：「龍為陽物，方陰而見，是凶兆也。」是月二日，義貞以諸軍攻足羽，至龍鏡明寺，前分兵為七隊，以當七寨，藤島兵擾動我兵，因疾攻，不能拔，義貞望見，遽以五十餘騎赴之，遇賊兵三百於田中，矢下如雨，我兵無楯，以身蔽義貞，中野宗昌勸義貞獨身遁，逃義貞曰：「失士而獨免，非吾志也。」鞭馬且進，馬被箭瘡，義貞欲起，有白羽箭中其眉間，乃拔刀自刎而死。年三十八，賊未知其何人也。見宗昌等環尸，自殺又檢尸，得錦囊書，書辭曰：「討賊之役，朕一煩卿，蓋帝手書，乃知其義貞也。時日暮，我軍無赴援者，已而見數騎還河合也，以為義貞各自退還，義助還至河合，求義貞不在，久而知實將士惶惑，有叛者，夜將火城者，三天明，檢其兵，則二千而已。義助乃走歸國府，使河島維賴保三峰，畑時能保湊城，瓜生照保、山照歸，遇藤原氏於淺津橋，藤原氏者，中納言行房妹而義貞夫人也。初為句當內侍，延元初，義貞夜入直，見其彈箏，心慕焉。帝聞而憐之，召義貞賜酒，因賜內侍，為妻，伉儷甚篤。義貞之受詔北行，置之於近江，居二歲，迎致，山既至，聞義貞在足羽，轉赴之途。京師足利氏君臣相慶，終身藤原氏無子，義顯與義宗皆產於東國，義顯先義貞殉難，義興妾出，故義宗代義顯為嗣，六歲為左兵衛佐，兼武藏守，義興即德壽男，山之陷，走歸吉野，帝壯其貌，曰：「丁亥遣鎮守府將軍源汝興，乃父家者，因賜名義興，授右兵衛佐。」

顯信及前上野介結城宗廣奉義良親王往鎮陸奥節度東北諸軍事準大臣源親房輔之宗良親王左兵衛佐新田義興左馬權頭北條時行經略東國並由海路九月壬申進至伊豆崎遇颶風

義良親王船漂至篠島顯信從焉源親房到常陸遂入關城糾合義旅前上野介結城宗廣卒於安濃津日本外史六：新田氏義貞行從皇子宗良赴東國，遇颶相失，漂至武藏，於是與義宗皆匿東國，義助義治在北國。○日本外史五：楠氏附北畠氏，尋義貞戰死，結城宗廣請及顯家餘威，未盡收，東邊兵帝令宗良親王先發，至遠江，待之，遂以顯信、龔兄官職與親房及宗廣奉義良親王海路，赴任，遇颶於天龍洋舟四散，親房抵常陸，宗廣病死。是月以懷良親王為征西大將軍，掌九州節度。

己五 延元四年日本史秋七月癸酉右衛門佐脇屋義助攻足利

高經於黑丸城破之高經奔加賀日本外史六新田氏七月義助

一井氏政等各屠諸城而會河合以兵六千攻足利時能先往夜

薄城挑戰足利高經火城而走是歲帝崩後村上天皇即位十二

月詔義助代義貞統帥 八月乙未不豫立義良親王為皇太子辛丑天皇讓

位於皇太子壬寅崩於吉野行宮年五十二遺詔稱後醍醐天皇

河內守楠正行等宿衛戒嚴天皇天資英毅博涉書史篤信釋氏

於密宗禪旨特所研究又留心典故為治慕延喜之風自還闕廢

關白躬攬庶務多所更革曰今日舊例乃往日新制安知朕之新

制不復為後日之舊例其聽訟記錄所亦效後三條天皇之制焉

元德中引元僧楚俊於正殿問法楚俊善相退曰天皇有亢龍之

悔然必得再登極矣其幽六波羅淨席擬石灰壇日拜大神宮如

太子即位其任賢使能錄義貞義助之功務成恢復以稱朕志朕

身雖瘞南山而神常望北闕若有墜命者子匪繼體臣乖蓋忠言

訖左把法華經右按劍以崩羣臣亦奉其言不改服御北面葬於

藏王堂之塔尾日本外史五楠氏附北畠氏四年三月顯信奉親

鳩殺乃立義良為皇太子八月帝獲疾大漸乃遺詔曰朕憾不滅

國賊平天下雖埋骨於此魂魄常望北闕後人其體朕志竭力討

賊不者非吾子孫非吾臣屬按劍而崩帝既崩羣臣氣沮欲逃散

僧宗信力言止之已而正行與正朝率兵二千來衛眾情大安於

是相與俱奉太子拜神器即位是為又中宮藤原禧子太政大臣

後村上天皇頒先帝遺詔於四方女御藤原榮子關白道

珣子後伏見藤原廉子右近衛中女御藤原榮子關白道典侍藤

原親子參議宗藤原為子權大納言藤原實子左大臣實雄女

原守子左大臣源親子權大納言師親女菅原氏正三位藤原氏

大納言藤原氏左近衛中大納言局權中納言局民部卿局坊門

隆資女藤原氏將為道女大納言局權中納言局民部卿局坊門

考十三後醍醐

局左衛門督局

為忠女

近衛局某氏

龜山女

昭慶門院某氏

基時女

子十

七廉子生皇太子恆良親王成良親王後村上帝藤原親子生滿

良親王藤原氏生世良親王靜尊法親王為子生尊良親王宗良

親王源親子生護良親王守子生玄圓法親王菅原氏生聖助法

親王隆資女生僧尊真為道女生躬良法親王

後改名法仁

懷良親王

近衛局生皇子某龜山女生僧恆性昭慶門院生僧元選

日本源流考卷十三終

臣王先謙撰集

後村上天皇

日本史後村上天皇諱義良初名憲良後醍醐第八子也母新待賢門院夢抱日有身嘉祿三年生元弘三年十月出鎮陸奧出羽參議陸奧守源顯家為之輔建武元年夏為親王二年十月足利尊氏反詔發兵赴難延元元年三月帥陸奧出羽兵躡尊氏後西上二月冠紋三品為陸奧太守還鎮二年正月國人多離叛因與鎮守府大將軍源顯家保靈山城國人聞車駕幸吉野又歸順八月率源顯家發陸奧十二月進討足利義詮於鎌倉克之三年正月赴京師至青野原與足利尊氏兵戰走之二月赴柰良戰不利遂入吉野五月源顯家戰沒閏七月還鎮密詔許為儲貳前大納

考十四後村止